

四庫全書

子部

欽定四庫全書

子部

玉海卷十七

詳校官給事中臣查善長

主事臣祁韻士覆勘

總校官進士臣朱 鈐

校對官編修臣 攸

謄錄監生臣勵世馨

欽定四庫全書

玉海卷十七

宋 王應麟 撰

地理

郡國

神農九州

管子輕重成

第八十四

神農作植五穀淇山之陽九州之民

乃知穀食而天下化之 帝王世紀諸子稱神農之王

天下地東西九十萬里南北八十五萬里 周禮職方

疏自神農以上有大九州柱州迎州神州之等至黃帝

以來德不及遠惟於神州之內分為九州括地象云崑

崑東南萬

一作方

五千里名曰神州

文選注引河圖括地象曰崑崙東南地方

五千里名曰神州中有五岳地圓帝王居之

鄒衍以

為中國名赤縣神州赤縣神州內自有九州禹所叙也

中國外若赤縣神州

者九所謂九州也

續漢志注張衡靈憲曰天有九

位地有九域天有三辰地有三形有象可效有形可度

聖始紀綱而經緯之八極之維徑二億三萬二千三百

里南北則短減千里東西則廣增千里自地至天半於  
八極則地之深亦如之用鉤股懸天之景薄地之儀皆  
移千里而差一寸宇之表無極宙之端無窮其可觀樞  
星是也謂之北極在南者不著故聖人弗之名焉 山

海經海外東經曰帝命獮亥步自東極至于西極五億

十選

選萬也

九千八百步獮亥右手把算左手指青丘北

一曰禹令獮亥 一曰  
五億十萬九千八百步

注詩含神霧曰天地東西二億

三萬三千里南北二億一千五百里天地相去一億五

萬里 呂氏春秋四海之內東西二萬八千里南北二萬六千里水道八千里受水者亦八千里通谷六名川六百陸注三千小水萬數四極之內東西五億有九萬七千里南北亦五億有九萬七千里

黃帝畫壑分州 九州 萬國

前漢地志黃帝作舟車濟不通旁行天下方制萬里畫壑分州得百里之國萬區故易稱建萬國親諸侯書云協和萬國周爵五等千八百國太昊黃帝之後唐虞侯

伯猶存帝王圖籍相踵可知 郊祀志申公曰黃帝萬

諸侯而神靈之封君七千 地理志叙自昔黃唐經畧

萬國 通鑑外紀黃帝畫壘分州以分星次經地設井

以塞爭端立步制畝以防不足八家為井井開四道而

分八宅鑿井於中其利有十地氣不洩無費一家同風

俗齊巧拙通貨財存亡相守出入相司嫁娶相媒有無

相貸疾病相救是也井一為隣隣三為朋朋三為里里

五為邑邑十為都都十為師師十為州

出通典

史記黃

帝置左右監監于萬國萬國和而山川封禪與為多焉  
通典黃帝方制天下立為萬國易稱首出庶物萬國  
咸寧 晉志黃帝則東海南江登空躡岱至於崑崙振  
轡風山訪道 禹貢釋文黃帝布九州  
文志庖犧氏觀法於地謂水土州分

見職錄

後漢天

顓頊九州

通典顓頊置九州帝嚳受之創制九州統領萬國九州  
之區域在昔顓頊及于陶唐分而為九其制最大周之



本制起於顓頊辨其疆界始於禹貢 後漢志注帝王  
世紀曰顓頊帝讐建萬國而制九州 晉志高陽帝讐  
東踰蟠木西濟流沙北至幽陵南撫交趾日月所經舟  
車所至莫匪王臣 史記高陽北至于幽陵南交趾西  
流沙東蟠木動靜之物大小之神日月所照莫不砥屬  
高辛日月所照風雨所至莫不從服

堯九州

說文堯遭洪水民居水中高土故曰九州 禹貢正義

九州之境舊定而云禹別者堯遭洪水萬事改新陶唐有冀方是冀州堯所都也諸州冀為先治水先從冀起

堯五服

益稷弼成五服至于五千孔氏注每服五百里四面相距為方五千里正義王肅云五千里者直方之數二千五百人為師每州十有二師通計之一州用三萬人功九州用二十七萬孔注同鄭玄云面方各五千里四面相距為方萬里九州州立十二人為諸侯師以佐牧堯初

制五服服各五百里要服之內方四千里曰九州其外  
荒服曰四海此禹所受地記書曰崑崙山東南地方五  
千里名曰神州者禹弼五服之殘數亦每服者合五百  
里故有萬里之界萬國之封猶用要服之內為九州方  
七千里百國一師州十有二師則州千二百國也八州

凡九千六百國其餘四百國在圻內王肅難之

詩綏萬  
邦豈周

之建國優

有萬乎

禹貢五百里甸服正義甸侯綏要荒五服

之名堯之舊制洪水既平禹乃為之節文使賦役有常

遠近有較故其任不等周語云先王之制邦內甸服邦  
外侯服侯衛賓服夷蠻要服戎狄荒服彼賓服當此綏  
服詩殷武正義鄭以禹所導山川西被流沙東漸滄  
海南距衡陽北臨碣石經塗萬有餘里周禮九服蠻畿  
之內尚至七千舜禹之功不應劣於周世若要服內止  
四千以下等計之容六千餘國安得有萬國乎

禹平水  
土後每

服更以五百里輔之禹貢言五百里一  
服是克舊更言三百里二百里是禹所弼鄭以尚書之

文上下相校至於禹貢歷數服名正合五千之數參之

以周漢之域驗之於山川之圖則廣萬里為得其實

王肅

云禹之功在治山川不在廣土地之廣三倍於堯而書傳無稱焉司馬遷以諸小數皆五百里服之別名

大界與堯不殊得之矣

晉志帝堯協和萬邦制八家為隣三隣

為朋三朋為里五里為邑十邑為都十都為師州十有

二師

鄭玄曰州凡四十三萬二千家益虞夏之制顧野王云堯時制

禹貢五服自侯服而外有百里二百三百里之別與周九畿何異禹貢一面言之率五百里為限周禮二面言之率二百五十里為限自鎮畿而內二畿而當一服蕃

畿在九州之外所謂東漸西被朔南暨聲教也行人之

言與周官六服合

康誥注五服與禹貢異制

### 舜十二州

舜典肇十有二州

咨十有二牧

注禹治水之後舜分冀州為

幽州并州分青州為營州始置十二州正義舜攝位元

年九州始畢當是二年之後以境界太遠始別置之禹

登王位還置九州

益稷州十有二師

史記注馬融

曰禹平水土置九州舜以冀州之北廣大分置并州燕

齊遼遠分燕置幽州分齊為營州於是為十二州

舜紀十二

牧行而九州

莫敢辟遠漢志堯遭洪水天下分絕為十二州禹

平水土更制九州列五服

與孔馬說異

後郡國志注帝王

世記曰堯遭洪水分為十二州今虞書是也及禹平水土還為九州今禹貢是也鄭玄曰舜以青州越海分

齊為營冀州南北太遠分衛為并燕以北為幽

禹貢正義營州

即遼東也

易氏周禮說曰孔安國以禹貢九州為堯之制

遂謂治水分十二州非也舜典始言肇十二州次言咨

牧然後命禹平水土其序可考班固之言所以發明置  
州之意 夏氏曰周官有幽并而無徐梁爾雅有幽營  
徐而無梁青并若洪水之前有此名平水土之後豈至  
商周而猶存

唐虞舊域 舜山河疆界 周九州地域六服

王制凡九州千七百七十三國天子之元士諸侯之附  
庸不與注禹會諸侯於塗山執玉帛者萬國唯謂中國  
耳禹承堯舜而然要服之內地方七千里乃能容之夏



衰夷狄內侵諸侯相并地減國少殷湯承之更制中國  
方三千里之界分為九州而建千七百七十三國周公  
復唐虞之舊域分其五服為九其要服之內亦方七千  
里而因殷諸侯之數廣其土增其爵孝經說曰周千八  
百諸侯布列五千里內正義謂治水之後舊域許慎以  
漢地考之自黑水至東海衡山之陽至朔方經畧萬里  
周官六服羣辟注周禮九服此惟言六者夷鎮蕃在  
九州之外王者於夷狄羈縻而已不可同華夏六服惟

言侯甸者二服去圻最近六年五服一朝周禮無此法

孔以五服為侯甸男采衛蓋以要服遠不能常及期故

不數

大行人注六服去王城三千五百里相距方七千里公侯伯子男封焉周語先王規方千里以為

甸服其餘以均分公侯伯子男使各有寧宇

大司徒以天下土地之圖周

知九州之地域廣輪之數注九州揚荊豫青兗雍幽冀

并職方氏注周九州之界方七千里疏先王作土有

三太平之時土廣萬里中國七千中平之世土廣七千

中國五千衰末之世土廣五千中國三千晉志堯帝

時禹平水土為九州虞舜登庸表提類而分區宇判山河而考疆域冀北創并部之名燕齊起幽營之號書所謂肇十有二州封十有二山也周成王時改作禹貢徐梁入於青雍冀野析於幽并職方均天下之土以周厥利保章辨九州之野皆有分星東南曰揚正南曰荆河南曰豫正東曰青河東曰兗正西曰雍東北曰幽河內曰冀正北曰并 千寶晉紀論掩唐虞之舊域注賈捐之曰堯舜之盛地方不過數千里

舜分置州域

舜典正義史言舜既巡守復分置州域於禹治水後始分置十有二州每州以一大山為鎮殊大者十有二山深其州內之川使水通利

黃唐經畧萬國

漢地理志叙自昔黃唐經畧萬國變定東西疆理南北左傳楚無宇曰天子經畧諸侯正封古之制也

人皇氏九州

通鑑外紀人皇氏依山川土地之勢財度為九州謂之  
九圍各居其一而為之長人皇居中州以制八輔駕六  
羽乘雲車使風雨

### 禹九州 禹跡

禹貢禹別九州

舜十二州  
禹并為九

冀

帝都  
不說境界

濟河兗海岱青海

岱及淮徐淮海揚荆及衡陽荆荆河豫華陽黑水梁黑

水西河雍

林氏曰自兗而下八州皆以  
高山大川定逐州之疆界

左傳虞人箴

茫茫禹迹畫為九州經啓九道

左傳又曰夏  
貢金九牧

後漢郡

國志注帝王世紀曰堯遭洪水分為十二州今虞書是也及禹平水土還為九州今禹貢是也是以其時九州之地凡二千四百三十萬八千二十四頃定墾者九百一十萬八千二十四頃不墾者千五百萬二千頃民戶千三百五十五萬三千九百二十三人至于塗山之會諸侯承唐虞之域執玉帛亦有萬國是以山海經稱禹使大章步自東極至于西垂二億二一作三萬三千五百里七十一步又使豎亥步南極盡于北垂二億三萬三

千五百里七十五步

亦見淮南  
陸形訓

四海之內則東西二萬

八千里南北二萬六千里出水者八千里受水者八千

里名山五千二百五十

山海經  
曰云云

經六萬四千五百六

里出銅之山四百六十七出鐵之山三千六百

山海經  
云六百

九以供財用

山海經名山五  
千三百七十

神農之地過日月之表洎

于高陽之地北至幽陵南暨交趾西蹈流沙東極蟠木

是以制九州而建萬國堯遭洪水之患始分十二州

與書

及漢書  
不同

逮湯受命存者三千餘國 晉志大禹觀於濁

河而受綠字寰瀛之內可得而言也天有七星地有七  
表天有四維地有四瀆八紘之外名為八極八極之廣  
東西二億三萬一千三百里南北二億三萬一千三百  
里自地至天半八極之數自下亦如之昔黃帝令豎亥  
步自東極至于西極五億十萬九千八百八步夏后氏  
窮豎亥所步莫不率俾於是九州之內作為五服 尚

書大傳夏成五服外薄四海孟諸靈龜陰谷元玉

鄭玄  
注所

貢  
物



禹九州風俗

禹貢錫土姓祗台德先不距朕行正義此一經皆史美  
禹功言九州風俗既同可以施其教化擇賢者共治之  
既言九州同風法壤成賦而四海之內路有遠近更叙  
弼成五服之事

禹九州田賦 九州山川貢賦 夏采地

冀田中中

第五 賦上上錯

正賦第一雜出第二 先賦後田與八州異甸賦不專出於田

土白壤

究田中下

第六

賦貞

與田相當

土黑墳

青田上下

第三

賦中上

第四

土白墳

徐田上中

第二

賦中中

第五

土赤埴墳

揚田下下

第九

賦下上上錯

第七雜出第六

土塗泥

荆田下中

第八

賦上下

第三

土塗泥

豫田中上

第四

賦錯上中

第二雜出第一

土惟壤下土墳墟

梁田下上

第七

賦下中三錯

第八雜出第七第九

土青黎

雍田上上

第一

賦中下

第六

土黃壤

青徐雍本上豫冀究分中惟有揚居下荆梁序

亦同 淮之末流在兗江之末流在揚二州多水患梁地多山故賦居下尤輕於揚故兗賦為正梁之賦輕於揚重於兗 青徐雍三州以上地出中賦

禹貢正義九州之次以治為先後水性下流治水皆從下為始冀州帝都於九州近北故首從冀起而東南次兗青南次徐揚從揚而西次荆從荆而北次豫從豫而西次梁從梁而北次雍雍地最高故在後每州之下言水路相通通向帝都之道九州差為九等傳以荆田第八賦第三為人功修雍田第一賦第六為人功少冀以

上上為正而雜為次等少在正下故先言上上而後言

錯豫少在正上故先言錯而後言上中揚變文言下上

上錯梁之賦凡有三等以下中為正故言三錯

多者為正少者

為錯鄭玄云賦之差一井上上出九夫稅下下出一夫稅

通率九州一井稅五夫餘州先田後賦冀州先賦後田

諸州賦無下下充賦為第九故變文為貞治水十三年

乃有賦法始得貢賦與他州同也馬融曰禹治水三年

八州平十二年而八州平十三年而充平在舜受終之

年衆土俱得其正謂壤墳壚貢賦從地而出分其土壤  
為上中下計其肥瘠舉其大較定為三品為貢賦之差  
細分三品以為九等故皆法三壤成九州之賦 隋經

籍志書錄禹別九州定其山川分其圻界條其物產辨

其貢賦

貢法見貢賦類 冀州堯所都  
先施貢賦役載於書梁雍無篚

黃氏書說曰

夏后氏五十而貢其賦法本名貢禹貢三底績皆為與  
戎夷接界行中國貢法而見夷三種和夷出田賦與中  
國同故叙於賦上島萊淮夷入貢不出田賦故叙於貢

下崑崙析支渠搜無貢節故又叙於貢道之下 林氏

曰九州賦稅計其出入之總數而多少比較有此九等  
冀之賦比九州為最多故為上上兗之賦比九州為最  
少故為下下其餘七州例皆如此非取民之制有此九  
等輕重之差又曰八州之貢揚荊最多兗雍最少九州  
之賦言錯者有四蓋制貢之時青徐雍荊所入之賦每  
得其常數惟此四州實有凶豐之年故其賦有雜出於  
它等者而兗州則曰作十有三載乃同是皆彼此相為

高下周官載師漆林之征二十而五周官以為征而此以為貢蓋周時豫州在畿內故載師掌其征而不以為貢禹時豫在畿外故有貢推此則知冀州不言貢之意唐孔氏云此九等所較無他諸州相準為等級耳此計大率所得非止科定孟子言治地莫不善於貢林氏謂禹法既有每歲常數又有雜出他等之時凶不取盈無不善者切意後世子孫不善用之惟取必於每歲之常賦無有雜出之時或戰國重斂託貢法以文過

禹法實不然也

畿內之地天子之封內無所事於貢

夏氏曰禹貢上言

田賦筐之事而下言所以達都之道皆以達于河為至

蓋達于河則達于帝都也 秦少游曰今之沃壤莫如

吳越閩蜀古揚梁州也按禹貢揚田第九梁田第七皆

在下等之中 夏本紀禹開九州通九道陂九澤度九

山禹行相地宜所有以貢及山川之便利禹行自冀州

始 詩正義禹貢九州之賦法凡有九等

漢書坤作地執高下九等

大司徒注王制曰天子之縣內方百里之國九

云

此



蓋夏時采地之數疏殷周皆稱畿內王制云縣內疑是  
夏時史貨殖傳關中自汧雍以東至河華膏壤沃野  
千里自虞夏之貢以為上田春秋正義堯治平陽舜  
治蒲阪禹治安邑三都相去各二百餘里俱在冀州

王制方一里者為田九百畝

一里方  
三百步

方十里者為方一

里者百為田九萬畝方百里者為方十里者百為田九

十億畝方千里者為方百里者百為田九萬億畝

正義  
九萬

億畝當云九千億畝

此論開方之法

西不盡流沙南不盡衡山東不盡

東海北不盡恒山凡四海之內斷長補短方三千里為

田八十萬億一萬億畝

九州之大計

方百里者為田九十億

畝山林川澤溝瀆城郭宮室塗巷三分去一其餘六十

億畝

以一大國為率其餘所以授民也

孟子夏后殷周之盛地未有

過千里者也注三代之盛封畿千里耳

禹萬國

千八百國

又見封爵

益稷禹曰弼成五服至于五千州十有二師外薄四海

咸建五長各迪有功

劉敞曰十長之師凡五十國一

州十二師則六百國也州六百國計十二州則七千二百國也十二州之外薄于四海又有五長是以禹會諸侯於塗山執玉帛者萬國也左傳禹合諸侯於塗山

執玉帛者萬國

注諸侯執玉帛者萬國

正義禹會諸侯諸國盡至

附庸從其所附之國共見天子故有執帛者鄭玄注尚書以為數正滿萬國每一師領百國每州千二百國畿外八州總九千六百國其餘四百國在畿內尚書傳云百里之方三為國七有奇以百里之方一為百里之國

一又以百里之方一為七十里之國二有奇 呂氏春  
秋禹疏河決江為彭蠡之障乾東土所活者千八百國  
書曰克正萬邦 堯典協和萬邦 詩曰綏萬邦是殷周之時皆  
萬國

禹四極

晁錯傳大禹勤求賢士施及方外四極之內舟車所至  
人迹所及靡不聞命 爾雅東至於泰遠西至於邠國  
南至於濮鉛北至於祝栗謂之四極 皆四方極遠之國 觚竹北

戶西王母日下謂之四荒九夷八狄七戎八蠻謂之四海  
岨齊州以南戴日為丹穴北戴斗極為空桐東至日  
所出為太平西至日所入為太蒙

釋地已下  
皆禹所名

### 殷九州

書以有九有之師 詩九有有截奄有九有帝命式于  
九圍 爾雅兩河間曰冀河南曰豫濟東曰徐河西曰

雒漢南曰荆江南曰揚燕曰幽濟河間曰兗齊曰營注

殷制

周禮疏云  
似夏法

釋文禹貢有青徐梁而無并幽營爾雅

有徐幽營而無青梁并職方有青幽并而無徐梁營三代不同故也 殷有舜之幽營徐而無舜之青梁并是

青入於徐梁入於雍并入於冀也既分禹貢冀之境而復舜之幽又併青於徐而復舜之營殷之九州粲然可

攷

李郭以  
為殷制

周又分冀為并而併營於幽復禹之青而省

徐以入青職方視夏殷不同此損益之制 詩譜雍梁

荆豫徐揚之民咸被其化 周禮疏云禹貢所云堯舜法

爾雅所云似夏法詩譜所云似殷法 賈捐之傳武丁

成王殷周之大仁也然地東不過江黃西不過氐羌南  
不過蠻荆北不過朔方是以頌聲並作

### 殷九州建國

王制凡四海之內九州州方千里州建百里之國三十  
七十里之國六十五十里之國百有二十凡二百一十

國名山大澤不以封其餘以為附庸閒田八州州二百

一十國

鄭注此  
殷制也

天子之縣內

注縣內夏時天子所  
居州界名殷曰畿

方百

里之國九七十里之國二十有一五十里之國六十有

三凡九十三國名山大澤不以盼其餘以祿士以為閒  
田凡九州千七百七十三國天子之元士諸侯之附庸  
不與鄭注此殷所建天子百里之內以共官千里之內以為御

千里之外設方伯五國以為屬屬有長十國以為連連

有帥三十國以為卒卒有正二百一十國以為州州有

伯

注殷州長曰伯

八州八伯

畿內之州不置伯有鄉遂之吏主之

五十六正百六

十八帥三百三十六長八伯各以其屬屬於天子之老

二人分天下為左右曰二伯千里之內曰甸

甸謂服治田

千



里之外曰采

注九州之內也

曰流

注九州之外也

天子使其大夫為三

監監於方伯之國國三人天子之縣內諸侯祿也外諸

侯嗣也

正義殷制中國方三千里

書正義爾雅釋地九州之名於

禹貢無梁青而有幽營孫炎疑是殷制戰國策顏觸

曰大禹之時諸侯萬國及湯之時諸侯三千今乃二十

四論語摘輔象曰兗豫屬上台

九州繫於三台

荆揚屬下級

上之下等一  
台各有上下

梁雍屬中上

中台之上

冀州屬錯

中台之下  
下台之上

青

州屬下土

下台之上

徐州屬下下

下台之下

周書郊甸方六百

里因四土為方千里分以百縣縣有四郡郡有鄙鄙不過百室以便野事

周九州疆界 職方疆域

夏官量人掌建國之法以分國為九州注定天下之國分也疏謂分諸侯之國為九州假令土廣萬里中國七千方千里者四十九

七七四十九

其一為畿內其餘四十八

八州各得方千里者六是為九州至於中平通夷狄七千中國五千衰世通夷狄五千中國三千分國為九州

州各有疆界故詩云帝命式於九圍是州各有圍限也  
地官小司徒分地域注謂建邦國造都鄙制鄉遂疏  
各有營域遠近疆界畿外邦國畿內都鄙及六鄉六遂  
雖不言公邑地域之中亦有四等公邑可知 禮象曰  
鄭氏謂周公升大九州之界方七千里此讀周官之誤  
也蓋禹貢言面周官言方言方則外各二百五十里非  
一面五百里也 後魏地形志夏書禹貢周氏職方中  
畫九州外薄四海析其物土制其疆域此蓋王者之規

模也 呂氏春秋河漢之間為豫周也兩河之間為冀  
晉也河濟之間兗衛也東方為青齊也泗上為徐魯也  
東南為揚越也南方為荊楚也西方為雍秦也北方為  
幽燕也 伏湛傳文王受命征伐五國注伐大夷密須

耆邾

音崇

周九州封域

禮大宰九兩一曰牧以地得民注牧州長也九州各有  
封域以居民也

周九州星土 漢分壘

保章氏

中士一人下士四人  
世守天文之變

以星土辨九州之地所封

封域皆有分星以觀妖祥注星土星所主土也鄭司農  
謂春秋傳參為晉星商主大火國語歲之所在則我有  
周分野之屬是也玄謂星亦有分其書亡堪輿雖有郡  
國所入度非古數也今其存可言者十二次之分也星  
紀吳越玄枵齊姬訾衛降婁魯大梁趙實沈晉鶉首秦  
鶉火周鶉尾楚壽星鄭大火宋析木燕

大司徒以土宜  
之灋辨十有二

土之名物注分野十  
二邦上繫十二次

甘石分十二分野張衡蔡邕以

配漢州縣班固以二十八宿配之東井輿鬼為秦自弘

農故關以西暨牂柯越雋益州皆屬焉自井十度至柳

三度謂之鶉首之次秦分也柳七星張為周自河南雒

陽穀城平陰暨緱氏皆屬焉

初雒邑與宋周通封畿東西  
長而南北短短長相覆為千

里自柳三度至張十二度謂之鶉火之次周分也角亢

氏韓之分壑自南陽暨新安宜陽皆屬焉陳鄭星分同

之井六度至亢六度謂之壽星之次

鄭與韓同分陳  
則大昊之座也尾

箕為燕自漁陽右北平及勃海之安次皆屬焉危四度

至斗六度謂之析木之次燕分也

大畧與保章星土之分同

觜觿參

魏之分壑自高陵以東至陽武酸棗卷属之昂畢趙之分壑自信都真定至五原上黨屬之虛危為齊東有留川西及平原奎婁為魯東至東海南至泗水宋之分曰房心今沛梁及須昌壽張也衛之分曰室壁今東郡魏郡黎陽至野王朝歌也翼軫為楚南郡至汝南皆其分斗為吳會稽至臨淮皆其分牛女為粵蒼梧鬱林暨南

海日南皆其分也

出地理志

費直易蔡邕月令頗有先後

陳卓言所入宿度皇甫謐世紀有黃帝推分星次一行

山河兩戒 職方氏疏周之兗州於禹貢侵青徐之地

周之青州於禹貢侵豫州之地周之雍豫於禹貢魚梁

州之地周之冀州小於禹貢時冀州以北有幽并故也

周無徐梁禹貢無幽并禹貢先冀治水自下始周禮先揚尊陽方

晉志春秋元命包

云五星流為兗鉤鈴星別為豫昂畢散為冀箕星散為

幽營室流為并參伐流為益虛危流為青天氏流為徐



軫星散為荆牽牛流為揚

春秋文耀鉤云北斗七星主九州

呂氏春

秋天有九野地有九州

賈捐之曰殷周地東不過江

黃西不過氐羌南不過蠻荆北不過朔方

### 周四衛

巾車革路以即戎封四衛注四方諸侯守衛者蠻服以內疏庶姓在四方六服以內

### 七國形勢

秦四塞之國被山帶渭東有關河西有漢中南有巴蜀

北有代馬此天府也燕東有朝鮮遼東北有林胡樓煩  
西有雲中九原南有滹沱易水地方二千餘里南有碣  
石鴈門之饒所謂天府也趙地方二千餘里西有常山  
南有河漳東有清河北有燕國韓北有鞏洛成臯之固  
西有宜陽商阪之塞東有宛穰洧水南有陘山地方九  
百餘里魏南有鴻溝陳汝南許鄆昆陽召陵舞陽新都  
新鄭東有淮潁荊棗無胥西有長城之界北有河外卷  
衍酸棗地方千里齊南有泰山東有琅邪西有清河北

有渤海此四塞之國也地方二千餘里楚西有黔中巫  
郡東有夏州海陽南有洞庭蒼梧北有陜塞郢陽地方  
五千餘里竊以天下地圖案之諸侯之地五倍於秦料  
度諸侯之卒十倍於秦

蘇秦云

史十二諸侯表齊晉秦

楚其在成周微甚封或百里或五十里晉阻三河齊負  
東海楚介江淮秦因雍州之固四國迭興更為伯主文  
武所褒大封皆威而服焉 賈捐之曰秦務欲廣地然  
地南不過閩粵北不過大原

秦分三十六郡

史年表始皇二十六年初併天下二十七年分為三十  
六郡三十三年為桂林南海象郡以適戍西北取戎為  
四十四縣

又云二十四縣

始皇紀賈生曰南取北越之地以

為桂林象郡使蒙恬北築長城而守藩籬却匈奴七百  
餘里漢南粵傳秦併天下畧定揚粵置桂林南海象  
郡閩粵傳閩粵王無諸粵東海王搖秦廢為君長以  
其地為閩中郡理道要訣秦置四十郡通典秦制

天下為四十郡其地則西臨洮而北沙漠東縈南帶皆臨大海

漢高祖置郡

紀二年十月申陽降置河南郡三月虜殷王卬置河內郡六月雍州定八十餘縣置河上渭南中地隴西上郡

師古曰凡新置五郡九月定魏地置河東太原上黨郡三年十月

獲趙王歇置常山代郡十一年正月詔曰代之雲中以西為雲中郡

漢新置郡國

晉志始皇削罷列侯分天下為三十六郡

郡置守尉監二十六

初并三川

即漢三河高帝更名河南

河東

三川河東在諸郡之首所以陪輔關中也

南陽

南郡九江鄣郡

武帝更名丹陽

會稽潁川碭郡

即梁

泗水

即沛

薛郡

即魯

東郡琅邪齊郡上谷漁陽右北平遼西遼東代郡鉅

鹿郡鄆郡

即趙

上黨九原

武帝更名五原

雲中太原鴈門上郡隴西

北地漢中巴郡蜀郡黔中

即武陵

長沙凡三十五郡與內

史為三十六郡

師古曰京畿所統時號內史言在內以別諸郡守說文秦初置三十六郡以

監其縣

於是興師踰江平取百越又置閩中南海桂林象

郡凡四十郡郡一守焉其地則西臨洮而北沙漠東縈

西帶皆臨大海漢祖龍興革秦之弊分內史為三部更

置郡國二十有三

增郡十八以郡為國四聲建國名四合二十六

桂陽江夏豫

章河內魏郡東海

應劭曰秦郡郡

楚國平原梁國定襄泰山汝

南淮陽千乘東萊燕國清河信都常山中山渤海廣漢

涿郡合二十三也三內史者河上渭南中地也

地理志曰高祖

增二十六武帝改河上渭南中地以為京兆弘農扶風是為三輔

文增厥九廣平城陽

淄川濟南膠西膠東河間廬江衡山

武帝改衡山曰六安

景加其

四濟北濟陰山陽北海也

宣改濟北曰東平

武帝開越攘胡初

置十七南海蒼梧鬱林合浦交趾九真日南珠崖儋耳

九郡平西南夷置牂柯越巂沈黎汶山犍為益州六郡

西置武都郡又分立零陵合十七郡

食貨志初郡十七晉灼注同

拓

土分疆又增十四弘農臨淮西河朔方酒泉陳留安定

天水玄菟樂浪廣陵燉煌武威張掖昭帝少事又增其

一金城也至平帝元始二年凡新置郡國七十有一與



秦四十合一百一十有一改雍曰涼改梁曰益又置徐州復夏舊號南置交趾北有朔方凡為十三部涼益荆揚青豫兗徐幽并冀十一州交趾朔方二刺史合十三

部

志云郡國百三郡八十三國二十

光武投戈之歲在彫耗之辰郡國

蕭條并省者八城陽淄川高密膠東六安真定泗水廣

陽建武十一年

一云十八年

省牧復為刺史員十三人各掌

一州明帝置一永昌也章帝置二任城吳郡和順改作其名有九和置濟北廣陽順改淮陽為陳改楚為彭城

濟東為東平臨淮為下邳千乘為樂安信都為安平天

水為漢陽省朔方刺史合之於司隸凡十三部

注其與西漢不

同者司隸校尉部治河南朔方隸於并州郡

而郡國百有八焉

注省前漢八分置五改舊名七

因舊九十六少前漢三績志云郡國百五

桓靈頗增於前復置六郡桓高

陽高涼博陵靈南安都陽廬陵

績志巴郡注初平六年分巴為二郡欲得巴舊

名以墊江為治安漢以下為永寧郡建安六年以永寧為巴東郡墊江為巴西郡

前紀昭帝

始元五年六月罷儋耳真番元鳳五年秋罷象郡宣帝

地節三年省文山郡

并蜀

元帝初元三年春罷珠厓唐

李吉甫曰漢初治郡不過六十而文景化幾三王

### 漢開置郡國 新置五郡

志秦分天下為郡縣

左傳克敵者上大夫受縣下大夫受郡注周書作雒篇曰千里百縣

縣有四郡春秋時郡屬於縣戰國時縣屬於郡周顯王四十一年魏納上郡十五縣于秦後十餘年秦紀始書置漢中郡釋文縣方百里郡方五十里後漢左雄曰秦剗革五等更立郡縣縣設令長郡置守尉通典秦制天下為四十郡漢本秦京師為內史分天下作三十六郡漢

興以其郡太大稍復開置又立諸侯王國

高紀二年六月定雍州八

十餘縣置河上渭南中地隴西上郡師古曰凡新置五郡服虔曰河上左馮翊渭南京兆中地扶風武帝

開廣三邊故自高祖增二十六文景各六武帝二十八

昭帝一

見上

訖於孝平凡郡國一百三縣邑千三百一十

四道三十一侯國二百四十一

百官表凡縣道國邑千五百八十七鄉六千六

百二十二亭二萬九千六百三十五

地東西九千三百二里南北萬三千

三百六十八里提封田一萬萬四千五百一十三萬六

千四百五頃其一萬萬二百五十二萬八千八百八

十九頃邑居道路山川林澤羣不可墾其三千二

百二十九萬九百四十七頃可墾定墾田八百二十七

萬五百三十六頃民戶千二百二十三萬三千六百二  
口五千九百五十九萬四千九百七十八漢極盛矣成  
帝時劉向畧言其地分丞相張禹使屬潁川朱贛條其  
風俗猶未宣究故輯而論之終其本末著於篇 後郡  
國志承秦三十六郡縣邑數百後稍分析至于孝平凡  
郡國百三縣邑道侯國千五百八十七世祖中興惟官  
多役煩乃命并合省郡國十縣邑道侯國四百餘所

應劭

漢官曰世祖中興海內人民可得而數裁十二三邊陲  
蕭條靡有孑遺障塞破壞亭隧絕滅建武二十二年始

遣中郎將馬援謁者分築烽候堡壁稍興立郡縣十餘萬戶或空置太守令長招還人民上笑曰今邊無人而設長吏治之難如春秋素王矣乃建營屯田殖穀弛刑謫徒以充實之至明帝置郡一章

帝置郡國二和帝置三安帝又命屬國別領比郡者六

又所省縣漸復分置至于孝順凡郡國百五縣邑道侯

國一千一百八十

東觀書曰永興元年鄉三千六百八十二亭萬二千四百四十三一作二

十民戶九百六十九萬八千六百三十口四千九百一

十五萬二百二十諸侯表齊分為七趙分為六梁分

為五淮南分為三朱博奏漢家至德溥大宇內萬里

立置郡縣云云

秦孝公十二年聚小都鄉邑為一十一縣  
置令丞此慶都邑為郡縣之始也

枚乘諫吳王曰漢并二十四郡十七諸侯 燕王上書

曰孝武增郡數十斤地且倍 嚴安上書曰今外郡之

地或幾千里列城數十形束壤制帶脅諸侯非宗室之

利也 晉志光武中興不踰前制東海王彊以去就有

禮優以大封兼食魯郡二十九縣其餘稱為寵錫者兼一

郡而已 隋志昭宣之後罷戰務農戶口既已滋多郡

縣亦有增置 漢山川不出禹貢分域而里數倍加古

今尺步不同耳

漢同姓九國

史諸侯表漢興序二等高祖子弟同姓為王者九國

徐廣

曰齊楚荆淮南燕趙梁代淮陽索隱曰不數吳益以荆絕乃封吳故也下文所列有十國以長沙異姓故言九

國

唯獨長沙異姓而功臣侯者百有餘人自鴈門太原

以東至遼陽為燕代國常山以南太行左轉渡河濟阿  
甄以東薄海為齊趙國自陳以西南至九疑東帶江淮  
穀泗薄會稽為梁楚吳淮南長沙國皆外接於胡越而



內地北距山以東盡諸侯地大者或五六郡連城數十  
漢獨有三河東郡潁川南陽自江陵以西至蜀北自雲  
中至隴西與內史凡十五郡而公主列侯頗食邑其中

云

天子觀於上古然後加惠使諸侯得推恩分子弟國

邑故齊分為七

城陽濟北濟南  
菑川膠西膠東

趙分為六

河間廣川中  
山常山清河

梁分為五

濟陽濟川  
潁東山陽

淮南分三

廬江  
衡山

及天子支庶子為

王王子支庶為侯百有餘焉吳楚時前後諸侯或以適  
削地是以燕代無邊郡吳淮南長沙無南邊郡齊趙梁

楚支郡名山陂海咸納於漢諸侯稍微大國不過十餘城小侯不過數十里上足以奉貢職下足以供養祭祀以藩輔京師而漢郡八九十形錯諸侯間犬牙相臨秉其阨塞地利彊本幹弱枝葉之勢也形勢雖強要之以仁義為本楚都彭城六年正月丙午初王交齊都臨菑六年正月甲子初王肥荊都吳六年正月丙午初王賈十二年更為吳國十月辛丑初王濞淮南都壽春十一年十二月庚午王長燕都薊十二年二月甲午初王建

趙都邯鄲九年初王如意梁都睢陽十一年三月丙午  
初王恢淮陽都陳十一年三月丙寅初王友代都中都  
十一年二月丙子初王文帝

漢功臣八國

漢書贊曰高祖定天下功臣異姓而王者八國張耳趙

吳芮

長沙

彭越

梁

黥布

淮南

臧荼

燕

盧綰與兩韓信

楚韓

咸得

裂土唯吳芮傳號五世慶流支庶著于甲令而稱忠盧綰

傳時諸侯非劉氏而王者七  
人上欲王綰乃立為燕王

漢三河

史貨殖傳昔唐人都河東殷人都河內周人都河南夫  
三河在天下之中若鼎足王者所更居也建國各數百  
千歲土地小狹民人衆都國諸侯所聚會故其俗纖儉  
習事地理志河東郡秦置縣二十四河內郡高帝二  
年更名縣十八河南郡故秦三川郡高帝更名縣二十  
二天文志柳七星張三河五行志三代居三河河  
洛出圖書注夏都安邑即河東殷都朝歌即河內周都

洛陽即河南 帝紀高帝二年十月置河南郡三月置

河內郡告諸侯曰悉發關中兵收三河士

韋昭曰河南河東河內也

南浮江漢以下九月置河東郡 昭帝始元元年夏有

司請河內屬冀州河東屬并州

師古曰益屬京師司隸所部

宣帝

神爵元年三月發三河材官詣金城 元帝建昭二年

三月益三河大郡太守秩戶十二萬為大郡 光武紀

贊三河未澄 諸侯王表天子自有三河 百官表司

隸校尉察三輔三河弘農 東方朔傳漢興去三河之

地止霸產以西都涇渭之南 劉歆為河內太守以宗

室不宜典三河徙守五原 田仁為丞相長史請先刺

舉三河 杜周兩子夾河為郡守 河東太守劉祐政

為三河表河內太守魏少英政稱三河表

後漢

漢地分風俗本末 風俗輯論

志漢承百王之末國土變改民人遷徙成帝時劉向畧

言地分

一本作域分

丞相張禹使屬潁川朱贛條其風俗猶

未宣究故輯而論之終其本末著于篇 井鬼之於秦

背參之於魏柳星張之於周角亢氐之於韓陳鄭胃昂  
畢之於趙尾箕之於燕女虛危之於齊奎婁之於魯房  
心之於宋室壁之於衛翼軫之於趙斗牛之於吳粵是  
其地分也民之剛柔緩急繫于水土謂之風好惡取舍  
隨于君上謂之俗聖王必移其本易其末鄴錫務本由  
文武晉之深思本唐堯衛有康叔之風朝鮮有箕子之  
化齊之經術魯之好學則太公周公之教宋之重厚則  
舜湯之澤此風俗之本也秦俗不純魏俗剛強周魯失

之偽陳失之巫鄭衛之俗淫而剛燕趙之俗悍而離魏  
薄於恩晉過於嗇楚蠲於利齊有魚鹽而俗侈吳粵好  
勇而民輕死此風俗之末也涼州有寬厚之政則俗有  
和氣之應巴蜀廣漢被文翁之化變譏刺為文章潁川  
南陽被召父黃韓之化易商賈為本業轉爭訟為篤厚  
所謂君子之德風小人之德草也

黃文之南譯  
使自此反矣

匡衡

傳上疏曰竊考國風之詩周南召南被賢聖之化深故  
篤於行而廉于色鄭伯好勇而國人暴虎秦穆貴信而



士多從死陳夫人好巫而民淫祀晉侯好儉而民蓄聚  
太王躬仁邠國貴恕治天下者審所上而已道德之行  
由內及外自近者始然後民知所法 水經注漢官曰  
秦用李斯議分天下為三十六郡凡郡或以列國陳魯  
齊吳是也或以舊邑長沙丹陽是也或以山陵太山山  
陽是也或以川原西河河東是也或以所出金城城下  
得金酒泉泉味如酒豫章樟木生庭鴈門鴈之所育是  
也或以號令禹合諸侯大計東治之山會計國名會稽

是也

漢五屬國

安定上郡天水五原張掖

見官制

樓蔽空之山梁無涯

之水鳥竄單于於瀚海之背南置交趾北置朔方之州  
天地之間一為寧宇

漢蒼海郡

又見下

武紀元朔元年秋東夷歲君南閭等口二十八萬人降  
為蒼海郡三年春罷蒼海郡 平紀元始四年冬置西

海郡

後西羌傳云王莽輔政令譯諷諸羌獻西海之地初開以為郡築五縣邊海亭隧相望

永元十四

年時西海及大小榆谷左右無復羌寇蘭虞相曹鳳上言宜及此時建復西海郡縣規固二榆廣設屯田隔塞

羌胡交關之路拜鳳為金城西部都尉屯龍首

食貨志彭吳穿穢貊朝鮮置

滄海郡東置滄海郡人徒之費疑

注讀曰擬

於南夷

### 漢朔方五原郡

紀元朔元年秋東夷歲君南閭

服虔曰歲貊在辰韓之北高麗沃沮之南

等

口二十八萬人降為蒼海郡二年春正月收河南地置

朔方五原郡三年春罷蒼海郡秋罷西南夷城朔方城五

年春大將軍衛青出朔方

元鼎六年秋遣浮沮將軍公孫賀出九原元封元年冬十

月詔曰行自雲陽北歷上郡西河五原出長城北登單于臺至朔方臨北河

志朔方郡元

朔二年開西部都尉治祿渾戶三萬四千三百三十八

口十三萬六千六百二十八縣十

三封沃墾元狩三年城臨戎五年城

五

原郡秦九原元朔二年更名東部都尉治桐陽戶三萬

九千三百二十二口二十三萬二千三百二十八縣十

六 公孫弘傳弘為御史大夫時東置蒼海北築朔方

郡弘數諫以為罷弊中國奉無用之地使朱買臣等

難弘置朔方之便發十策弘不得一謝曰不知其便願

罷西南夷蒼海專奉朔方許之 主父偃傳偃

為中大夫盛

言朔方地肥饒外阻河蒙恬城以逐匈奴內省轉輸戍

漕廣中國滅胡之本也上覽其說下公卿議皆言不便

公孫弘曰秦時嘗發三十萬衆築北河終不可就已而

棄之朱買臣難詘弘遂置朔方本偃計也

詳見城

食貨

志衛青歲以數萬騎出擊匈奴遂取河南地築朔方又

興十餘萬人築衛朔方 光武紀建武十一年省朔方

牧并并州注朔方郡在今夏州朔方縣北

漢西域四郡

又見下

紀元狩二年秋匈奴昆邪王殺休屠王來降置五屬國

處之以其地為武威

志休屠地太初四年開戶萬七千五百三十一口七萬六千四百十

九縣十酒泉郡

志太初元年開戶萬八千一百三十七口七萬六千七百二十六縣九今肅州

匈奴傳西置酒泉郡以隔絕胡與羌通之路

元鼎六年秋分武威酒泉地置

張掖

志昆邪地太初元年開戶二萬四千三百五十二口八萬八千七百三十一縣十注張國臂掖故曰

張掖煌煌郡

志後元年分酒泉置戶萬一千二百口三萬八千三百三十五縣六

徙民以實

之昭紀始元六年秋七月以邊塞闊遠取天水隴西

張掖郡各二縣置金城郡

志始元六年置戶三萬八千四百七十四萬九千六

百四十八縣十三趙充國傳候四望隄文穎曰金城有三隄在南六百里師古曰山隋夾水曰隄光武紀

建武十二年省金城郡屬隴西十三年復置金城郡

班固西域傳贊孝武圖制

匈奴患其兼從西國結黨南羌表河曲列四郡開玉關

通西域斷匈奴右臂隔越南羌月氏匈奴失援幕南無

王庭

本傳列四郡據兩關焉

地理志自武威以西本昆邪休屠

王地武帝時攘之初置四郡以通西域隔絕南羌匈奴

習俗頗殊地廣民稀張騫傳其秋渾邪王降而金城

河西並南山至鹽澤空無匈奴漢始築令居以西

縣名屬金

城初置酒泉郡以通西北國因發使抵安息奄蔡犂靬

條支身毒國漢既滅越蜀所通西南夷皆震請吏置牂

柯越嵩益州沈黎文山郡欲地接以前通大夏迺遣使

歲十餘輩出此初郡

文山以上初置者

嚴助傳征伐四夷開

置邊郡周禮職方疏夷狄中漢時不置郡國惟置校

尉掌之



漢河西四郡

又見下

西域傳降渾邪休屠王遂空其地始築令居以西初置酒泉郡分置武威張掖燉煌列四郡接西域焉贊孝武表河曲列四郡地理志自武威以西本匈奴昆邪休屠王地武帝時攘之初置四郡以通西域隔絕南羌匈奴霍去病傳開河西酒泉之地西方益少胡寇後西羌傳武帝北卻匈奴西逐諸羌乃度河湟築令居塞初開河西列置四郡臧宮馬武建武二十七年上書

曰發河西四郡天水隴西羌胡擊其右北虜之滅不過數年 陳忠上疏曰孝武開河西四郡以隔絕南羌

班勇傳遣張明將河西四郡兵注金城燉煌張掖酒泉梁懂傳永初二年春羌豪三百餘人降河西四郡復安

漢河西五郡

晉志秦美陽甘泉宮本匈奴鑄金人祭天之處匈奴既失甘泉使休屠渾邪王等居涼州之地二王降漢漢置

張掖酒泉燉煌武威郡後又置金城謂之河西五郡改  
雍為涼州獻帝時合關右以為雍州 竇融傳行河西  
五郡大將軍事以梁統為武威史苞為張掖竺曾為酒  
泉辛彤為燉煌庫鈞為金城太守及隴西平詔融與五  
郡太守奏事京師

漢初郡十七 南越九郡 西南夷五郡

食貨志漢連出兵三歲誅羌滅兩粵番禺以西至蜀南  
者置初郡十七

注晉灼曰元鼎六年定越地以為南海蒼梧鬱林合浦交趾九真日南珠厓儋耳郡

定西南夷以為武都牂柯越嵩沈黎汶山郡及地且以  
理志西南夷傳所置犍為零陵益州郡凡十七

其故俗治無賦稅南陽漢中以往各以地比給初郡而

初郡又時時小反漢發南方吏卒往誅之間歲萬餘人

費皆仰大農大農以均輸調鹽鐵助賦故能澹之云云其

明年元封元年食貨志又曰武帝即位數年嚴助朱買臣等招徠東甌事兩粵唐蒙司馬相如

始開西南夷鑿山通道千餘里以廣巴蜀又通西南夷道作者數萬人

南海郡志秦置元鼎六年開屬交州戶萬九千六

百十三口九萬四千二百五十三縣六後漢南蠻

傳秦并天下始開領外置南海桂林象郡

蒼梧郡 志元鼎六年開屬交州戶二萬四千三百七十九口十四萬六千一百六十縣十

鬱林郡 志秦桂林郡元鼎六年開屬交州戶萬二千四百十五口七萬一千百六十二縣十二

合浦郡 志元鼎六年開屬交州戶萬五千三百九十八口七萬八千九百八十縣五

交趾郡 志元鼎六年開屬交州戶九萬二千四百

四十口七十四萬六千二百三十七縣十

九真郡志元鼎六年開戶三萬五千七百四十三

口十六萬六千十三縣七

後漢南蠻傳光武中興錫光為交趾任延守九真

之禮義安帝永初元年九真徼外夜郎蠻夷舉土內屬開境千八百四十里注引南中八郡志

日南郡志秦象郡元鼎六年開屬交州戶萬五千

四百六十口六萬九千四百八十五縣五

師古曰言其在日之

南

珠厓郡

志不錄元鼎六年開

武紀注臣瓚曰茂陵書珠厓郡

治暉都去長安七千三百一十四里 元紀初元三

年春罷珠厓郡 賈捐之傳初武帝征南越元封元

年立儋耳珠厓郡皆在南方海中洲居廣袤可千里

合十六縣戶二萬三千餘

應劭曰二郡在大海中崖岸出珠故曰珠厓儋耳者

種大耳渠率自謂王昔耳尤緩下肩三寸張晏曰異物志二郡在海中東西千里南北五百里珠厓言珠若厓儋耳鏤其頰皮上連耳分

為數支狀似雞腸累耳下垂

其民暴惡自初為郡

至昭帝始元元年二十餘年間凡六反叛至五年罷

儋耳郡并屬珠厓宣神爵三年珠厓三縣反甘露元

年九縣反擊定之元帝初元元年又反發兵擊之連  
年不定捐之建議不當擊上使侍中王商詰問捐之  
對曰秦興兵遠攻務欲廣地然地南不過閩越北不  
過太原而天下潰畔孝武西連諸國至于安息東過  
碣石以元菟樂浪為郡北卻匈奴萬里更起營塞制  
南海以為八郡臣以為非冠帶之國禹貢所及春秋  
所治皆可無以為願遂棄珠厓丞相于定國以為議  
是上從之珠厓由是罷

唐伏仁傑曰宣用魏相之策而棄車師之田元納賈捐之



之策而罷珠厓之郡 杜佑理道要

訣云朱崖為郡九六十五歲而罷

儋耳郡

志不錄元鼎六年開詳見珠厓

武紀注臣瓚曰茂陵書

儋耳去長安七千三百六十八里領縣五 昭紀始

元五年六月罷儋耳真番郡

後漢傳云罷臨屯

武都郡 志元鼎六年開戶五萬一千三百七十六

口二十三萬五千五百六十縣九

牂柯郡 志元鼎六年開屬益州戶二萬四千二百

十九口十五萬三千三百六十縣十七

越雋郡 志元鼎六年開屬益州戶六萬一千二百  
八口四十萬八千四百五縣十五

沈黎郡

志不錄元  
鼎六年開

武紀注臣瓚曰茂陵書沈黎治

笮都去長安三千三百三十五里領縣二十一 後

漢笮都夷傳武帝所開以為笮都縣元鼎六年以為

沈黎郡至天漢四年并蜀為西部置兩都尉一居旄

牛主徼外夷一居青衣主漢人

輿地廣記云沈黎漢  
武置郡既而罷之

黃霸入穀  
沈黎郡

文山郡

志不錄元  
鼎六年開

武紀注應劭曰今蜀郡崐山本

冉駹是也

宣紀地節三年十二月省文山郡并蜀

後漢冉駹夷傳武帝所開元鼎六年以為汶山郡

至地節三年省并蜀郡為北部都尉靈帝時復分蜀

郡北部為汶山郡

犍為郡志建元六年開屬益州故夜郎國戶十萬

九千四百十九口四十八萬九千四百八十六縣十

二西南夷傳建元六年大行王恢擊東粵粵人食

唐蒙蜀枸醬蒙歸上書說通夜郎道乃拜蒙以郎中

將

元光五年

將七人從巴苻關入見夜郎侯多同諭以德

威約為置吏夜郎旁小邑貪繒帛聽蒙約乃以為犍  
為郡發巴蜀卒治道自犍道指牂柯江司馬相如亦  
言西夷邛苻可置郡使相如以郎中將往諭皆如南  
夷為置一都尉十餘縣數歲道不通上使公孫弘往  
視還言不便罷西夷獨置南夷兩縣一都尉

益州郡 志元封二年開屬益州故滇王國戶八萬

一千九百四十六口五十八萬四百六十三縣二十四西南夷傳使王然于以粵破及誅南夷兵威風諭滇王入朝滇王降以為益州郡賜王印復長其民零陵郡志元鼎六年置屬荊州戶二萬一千九十二口十三萬九千三百七十八縣十

武紀元鼎六年冬十月將幸緄氏至左邑桐鄉聞南越破以為聞喜縣春至汲新中鄉得呂嘉首以為獲嘉縣遂定越地為南海蒼梧鬱林合浦交趾九真日南珠厓

儋耳郡

南粵傳南粵已平遂以其地為儋耳珠厓南海蒼梧鬱林合浦交趾九真日南九郡

征西

南夷平之為武都牂柯越雋沈黎文山郡

西南夷傳平南夷為牂柯

郡夜郎入朝邛君并殺詐侯冉駹震恐請臣置吏以邛都為牂牁郡作都為沈黎郡冉駹為文山郡廣漢西白馬為武

張騫傳是時漢既滅越蜀所通西南夷皆震

都郡

請吏置牂柯越雋益州沈黎文山郡欲地接以前通大

夏迺遣使歲十餘輩出此初郡皆復閉昆明後復遣使

竟不得通注師古曰文山以上初置者地理志武帝

攘却胡越開地斥境南置交趾北置朔方之州注師古

曰胡廣記云漢既定南越之地置交趾刺史別於諸州  
令持節治蒼梧分雍州置朔方刺史夏侯勝傳宣帝  
詔曰孝武躬仁誼厲威武北征匈奴單于遠遁南平氏  
羌昆明甌駱兩越東定歲貊朝鮮立郡縣百蠻率服歟  
塞自至

紀元封元年冬十月詔曰東越險阻  
反覆遭其民於江淮間遂空其地

西域贊

孝武睹犀布瑇瑁則建珠崖七郡感枸醬竹杖則開牂  
柯越雋聞天馬蒲陶則通大宛安息 劉歆議孝武南  
滅百粵起七郡北攘匈奴降昆邪十萬之衆置五屬國

起朔方東伐朝鮮起元菟樂浪以斷匈奴之左臂西伐  
大宛并三十六國結烏孫起燉煌酒泉張掖以鬲婼羌  
裂匈奴之右臂單于遠遁四垂無事斥地遠境起十餘  
郡 終軍曰大將軍秉鉞單于奔幕票騎抗旌昆邪右  
袵是澤南洽威北暢也 嚴安曰今徇南夷朝夜郎降  
羌燉畧葦州建城邑深入匈奴燔其龍城

漢朝鮮四郡

紀元封三年夏朝鮮降以其地為樂浪

志三年開戶六萬二千八百十



二口四十萬六千七百四十八縣二十五屬幽州

臨屯

臣瓚曰茂陵書治東脰去長安六千一百三十

八里十五縣後漢傳云

玄菟

志四年開戶四萬五千六口二十二萬一千八

百四十昭帝始元五年罷臨屯

真番郡

茂陵書治害縣去長安七千六百四十

五縣三始元五年六月罷真番郡

朝鮮傳定朝鮮為四郡

三方之開皆自好事之臣西南夷發於唐蒙司馬相如  
兩粵起嚴助朱買臣朝鮮由涉何

漢十三部

武紀元封五年初置刺史部十三州

在夏四月之後

注師古曰

漢舊儀云初分十三州假刺史印綬有常治所常以秋

分行部御史為駕四封乘傳到所部郡國各遣一吏迎

之界上所察六條

紀元鼎四年詔祭地冀州大事記曰十三部河東汾陰屬司隸是時未分

十三部以禹九州言之故屬冀州

地理志武帝攘卻胡越開地斥境

南置交趾北置朔方之州

注師古曰胡廣記云漢既定南越之地置交趾刺史別於

諸州令持節治蒼梧分雍州置朔方刺史通典交趾後為交州朔方後屬并州宋志東京無復朔方改交

趾曰交州凡十二州司隸所部如故

兼徐梁幽并夏周之制改雍曰涼改

梁曰益凡十三部置刺史

平當為朔方刺史注師古曰武帝初置朔方郡別令刺史

監之不在十三州之限 雍即涼州也是涼州有兩刺史  
兼夏周為十一新置交州及司隸所領或曰初分  
十二後增朔方為十三初置十三部時未有司隸蓋  
征和以前關中三河司隸所統之地亦有刺史察之

舜

冀幽并青營兖徐揚荆豫梁雍

禹

冀兖青徐豫荆揚梁雍

爾雅

冀豫徐雍荆揚幽兖營

周

揚荆豫青兖雍幽冀并

西漢

豫冀兖幽并青徐揚益交荆涼朔方司隸

東漢

司隸豫冀兖青徐荆揚益涼并幽交

地理志秦地於禹貢跨雍涼二州詩風兼秦豳兩國

水經注引黃義仲十三州記

唐志有關關十三州志十四卷

通典十三州部刺史不常所理後漢之制司隸治河南

府今豫治譙今鄆縣充治昌邑今魯郡金鄉縣徐治郟今臨淮郡下邳縣青

治臨淄今北海郡涼治隴今天水郡隴城縣益治維今漢州并治晉

陽今太冀治鄆今趙郡高邑縣幽治薊今范陽縣揚治歷陽今郡荆

治漢壽今武陵郡武陵縣交治廣信今蒼梧郡蒼梧縣漸復加置郡國

至靈獻凡百有五焉縣道侯國千一百八十注桓帝水興初有鄉

三十六百八十二亭  
萬二千四百二十

東樂浪西燉煌郡南日南郡北鴈

門郡西南永昌郡四履之盛亦如前漢 後郡國志司

隸校尉部郡國七豫州刺史部郡國六冀州刺史部郡

國九兗州刺史部郡國八徐州刺史部郡國五青州刺

史部郡國六荊州刺史部郡國七揚州刺史部郡國六

益州刺史部郡國十二涼州刺史部郡國十二并州刺

史部郡國九幽州刺史部郡國十一交州刺史部郡國

七自豫州已下凡九十八其二十七王國相其七十一郡太守 苗恭交廣記曰元鼎中置交趾刺史建安

二年張津為刺史言十二州皆稱州而交獨為  
交趾詔拜津交州牧與中國方伯同自津始至于孝

順凡郡國百五縣邑道侯國千一百八十民戶九百六

十九萬八千六百三十口四千九百一十五萬二百二

十後漢十三部與西京不同者司隸部治河南朔方隸并部改交趾曰交州中平元年敕三府精選廉吏

舉賈琮交呂氏大事紀西漢十三部司隸校尉部京

兆扶風馮翊弘農河內河南河東凡七郡豫州刺史部

潁川汝南沛郡梁魯國凡三郡二國冀州刺史部魏鉅

鹿常山清河郡趙平千宣白真定中山信都河間國凡

廣平

四郡六國兗州刺史部陳留山陽濟陰太山東郡城陽  
淮陽東平國凡五郡三國徐州刺史部琅邪東海臨淮  
郡泗水廣陵楚國凡三郡三國青州刺史部平原千乘  
濟南北海東萊齊郡菑川膠東高密凡六郡三國荊州  
刺史部南陽江夏桂陽武陵零陵南郡長沙國凡六郡  
一國揚州刺史部廬江九江會稽丹陽豫章郡六安國  
凡五郡一國益州刺史部漢中廣漢武都犍為越巂益  
州牂柯蜀郡凡八郡涼州刺史部隴西金城

昭帝

天水

武威張掖酒泉燉煌安定北地凡九郡并州刺史部太

原上黨西河朔方五原雲中定襄鴈門上郡凡九郡幽

州刺史部渤海上谷漁陽右北平遼西遼東玄菟樂浪

代涿郡廣陽國凡十郡一國交州刺史部南海鬱林蒼

梧交趾合浦九真日南七郡

吳薛綜曰武帝誅呂嘉開九郡設交趾刺史以鎮監

之凡部郡國百有二

何武為大司空與丞相方進言刺史位下大夫察二千石失位序請

罷刺史置州牧後朱博言漢故事部刺史居部九歲舉為守相其有異材功效著者輒登擢秩卑賞厚勸功樂進今州牧秩真二千石位次九卿九卿缺以高第補中材自守恐功效陵夷請置刺史如故奏可又見刺史



獻紀建安十八年春正月庚寅復禹貢九州注省幽

并以并冀州省司隸涼州以并雍州省交州并荊州益

州於是有兗豫青徐荆揚冀益雍禹貢無益有梁然梁

益亦一地也

魏志建安十八年春正月并十四州復為九州

百官表監御史秦官掌監郡漢省丞相遣史分刺州不

常置武帝元封五年初置部刺史掌奉詔條察州秩六

百石員十三人成綏和元年更名牧秩二千石

何武翟方進奏

改哀建平二年復為刺史

朱博奏復

元壽二年復為牧司隸

校尉周官

注以掌徒隸而巡察

武帝征和四年初置後罷其兵察

三輔三河弘農

續志司隸校尉比二千石成帝省建

武中復置并領一州所部郡七外十二州每州刺史一

人六百石成帝更為牧建武十八年復為刺史十二人

各主一州其一州屬司隸校尉 光武紀建武十八年

罷州牧置刺史注建武元年復為牧今改置刺史 郭

伋傳建武十一年省朔方刺史屬并州伋為并州牧

靈紀中平五年改刺史新置牧 三為刺史蕭育冀青

朔方 再為刺史張敞豫冀何武楊充朱博冀并王  
尊益徐孫寶益冀 為刺史者冀陳咸滿宣充蔣詡  
青雋不疑劉德馬宮涼貢禹谷永杜鄴楊黃霸荆東  
門雲益任安王吉王襄幽王駿朔方程方進平當

豫州牧鮑宣青州牧房鳳 後漢為刺史者荆郭賀李

固徐王景青魯丕李膺冀郅壽蘇章羊陟充李恂楊劉

祐 二為刺史張禹楊充 四為刺史楊秉豫荆徐充

程方進遷朔方刺史所察應條輒舉

漢官典職儀云  
刺史以六條問

事非條所問即不省

幽州刺史舉茂材薛宣

漢儀武帝置刺史刺史舉民有茂材移名

相丞

### 漢內郡

紀宣帝本始元年四月庚午詔內郡國舉文學高第各

一人

帝昭曰中國為內郡緣邊有夷狄障塞者為外郡

地節三年三月令內郡

國舉賢良方正

詳見賢良

元帝永光二年三月壬戌朔令

內郡國舉茂材賢良直言之士 成帝建始二年二月

詔三輔內郡舉賢良方正各一人

師古曰內郡謂非邊郡

三年十

二月戊申朔詔內郡國舉賢良直言元延元年七月詔  
內郡國舉方正直言北邊二十二郡舉勇猛知兵法者  
各一人

漢緣邊九郡 八郡 十郡 十二郡 六郡

河西六郡 北邊七郡 山西將

趙充國傳宣帝

匈奴傳元  
康四年

以匈奴發十餘萬騎南苟塞

遣後將軍充國將四萬騎屯緣邊九郡備虜單于聞之  
引去注師古曰五原朔方雲中代郡鴈門定襄右北平

上谷漁陽四萬騎分屯而充國總統之

後漢延熹元年十二月南匈奴

諸部與烏丸鮮卑冠緣邊九郡

南匈奴傳建武二十

九年六月鮮卑入緣邊九郡

六年冬詔南單于徙居西河美稷悉復緣邊八郡

北地朔方

五原雲中定襄

梁懂傳永初三年冬南單于烏桓反

鴈門代郡西河

以何熙行車騎將軍龐雄為副將羽林五校營士及發

緣邊十郡兵二萬餘人注比前增遼西 竇憲傳北伐

發緣邊十二郡騎士 地理志漢興六郡良家子選給

羽林期門以材力為官名將多出焉注師古曰六郡謂

隴西天水安定北地上郡西河

文帝從六郡良家之子  
馳騁上林  
趙充國傳

始為騎士以六郡良家子注同地理志  
後漢志詔  
選漁陽隴西安定北地上郡西河凡六郡良家子

續志牧師苑分在河西六郡界中 昭紀元鳳三年冬

遼東烏桓反以范明友為度遼將軍將北邊七郡郡二

千騎擊之 光武紀建武八年閏月自征隗囂河西太

守竇融率五郡太守會高平注五郡謂隴西金城天水

酒泉張掖 漢書贊山西出將

虞翻云關西出  
將關東出相

白起郤

人王翦頻陽人漢興郁郅

北地

王圍

為強弩將  
軍有射法

甘延壽

少

良家子善騎射  
為羽林斬郅支

義渠

北地

公孫賀傳介子

賀以車騎將軍從大將軍出有

功介子

成紀

天水

李廣

號飛將軍

李蔡

出朔方有獲王之功

杜陵

京兆

蘇建

蘇武

建從大將軍擊匈奴武使匈奴

上邽

隴西

上官桀

以騎都尉封

趙充國

擊匈奴

先零

襄武

隴西

廉褒

在西域以恩信稱

狄道

隴西

辛武賢

為破羌將軍有威西

夾

慶忌

為國虎臣西域敬其威信

皆以勇武顯聞蘇辛父子著節山

西天水隴西安定北地處勢迫近羌胡民修習戰備高

上勇力鞍馬騎射故秦詩曰王于興師修我甲兵與子

偕行其風聲氣習自古而然今之歌謠慷慨風流猶存



秦漢間稱山北山南山  
東山西者皆指太行

虞詡曰烈士武臣多出涼州士

風壯猛便習兵事羌胡不敢入據三輔以涼州在後也

六郡良家子 趙充國李廣


隴西

馮奉世

上黨

甘延壽

北地



玉海卷十七

欽定四庫全書

子部

玉海卷十八

詳校官給事中<sub>臣</sub>查善長

主事<sub>臣</sub>祁韻士覆勘

總校官進士<sub>臣</sub>朱 鈐

校對官編修<sub>臣</sub>朱 攸

謄錄監生<sub>臣</sub>勵世馨

欽定四庫全書

玉海卷十八

宋 王應麟 撰

地理

郡國

下

漢中興郡國

後郡國志漢書地理志記天下郡縣本末及山川奇異  
風俗所由至矣今但錄中興以來郡縣改異及春秋三

史會同征伐地名以為郡國志凡前志有縣名今所不載者皆世祖所并省也前無今有者後所置也凡縣名先書者郡所治也漢承秦三十六郡至于孝平凡郡國百三縣邑道侯國千五百八十七世祖中興惟官多役

煩乃命合并省郡國十縣邑道侯國四百餘所

中興海內人民

纔計二三建武二十一年遣中郎將馬援謁者分築烽候堡壁稍興立即縣十餘萬戶或空置令長上笑如春秋素王乃建至明帝置郡一章帝置郡國二和帝置三

三營屯田

安帝又命屬國別領比郡者六又所省縣漸復分置至

于孝順凡郡國百五縣邑道侯國千一百八十

注東觀書曰永

興元年鄉三千六百八十二亭萬二千四百四十三

民戶九百六十九萬八千六

百三十口四千九百一十五萬二百二十以河南言

之二十一城比前則無故市焉以河東言之二十城比

前則無左邑長脩四邑又更羣城之名焉以弘農言之

比前無商析四邑而湖與華陰乃自京兆割隸焉京兆

舊十二城而省其二馮翊舊二十四而存其十三右扶

風舊二十一而廢其六邑此屬司隸者也潁川省西京

之三縣梁國增西京之一城沛二十一城以前志則省其十六陳九城北前淮揚則仍其舊魏郡十五城省前史之三鉅鹿十五城省前史之五常山改鄆為高邑而并五邑焉中山更漢昌蒲陰而并一邑焉改信都為安平而邑省其四改清河為甘陵而邑省其七河間復於永元而邑增舊之七趙國加以中丘而邑增舊之一勃海止於八城而省舊之十八此屬豫冀者也東郡則省范在平之七邑東平則改屬壽張須昌寧陽之三邑而

分三邑為任城泰山十二城北前省其半山陽十城北  
前省其十三濟北并泰山而復分於永元下邳舊臨淮  
而更名於永平濟陰之邑增前志之二彭城之邑增前  
志之一東海之縣省前志之二十五琅邪之縣省前志  
之三十八廣陵兼泗水之城則又增前志之七此屬宛  
徐者也以青荊二部攷之若濟南省四城平原省十城  
樂安易千乘之號而邑并其六北海兼三國之疆而邑  
并其八東萊缺其四邑齊國虛其六城南郡邑減其一



南陽零陵武陵邑增其一以揚益二部攷之廬江兼六安而增二城會稽分吳郡而省十二城九江牂柯越嶺并省皆一邑豫章巴郡漢中增損皆三邑益州省七城而分為昌郡犍為廣漢蜀郡共省九邑而分為屬國以涼并幽交四部攷之若天水省三城而改漢陽張掖省二城遼東省七城而分屬國及上黨鬱林之一邑武都九真之二邑金城漁陽之三邑朔方之四邑太原之五邑定襄代上谷樂浪之七邑遼西之九邑上郡右北平

之十二城安定北地之十三城涿郡之省者二十二西  
河之省者二十三皆損於前者也廣陽南海之增一邑  
玄菟之增三邑武威之增四邑及蒼梧之置鄆平交趾  
之置封谿望海皆增於舊者也先是中興六載六月辛  
卯令郡國不足置者上二府於是條奏併省四百餘縣  
而建武十一年并朔方於并州十二年省金城屬隴西  
又其明年省并西京十三國今以志攷之屬司隸之部  
郡七縣邑侯國百六豫州部郡國六縣邑侯國九十九

冀州部郡國九縣邑侯國百其餘若兗若徐若青若荆  
暨揚益涼并幽交其部郡國凡七十七而屬國六不與  
其數共八十三而縣邑侯國道凡七百六十蓋自明帝置一

章帝置二和帝置三安帝又命屬國別領比郡六又所  
省縣漸復分置至于孝順凡郡國百五比前史反增二  
縣邑道侯國千一百八十比前史猶少三百九十七

漢中興郡縣改異并省

又見上

志錄中興以來郡縣改異凡前志有縣名今不載者皆

世祖所并省也并合省郡國十縣邑道侯國四百餘所  
紀建武六年六月辛卯詔曰張官置吏所以為人也

今戶口耗少吏職尚煩其令司隸州牧各實所部省減  
吏員縣國不足置長吏可并合者上大司徒大司空二

府於是條奏并省四百餘縣十年省定襄郡十一年省

朔方牧并并州十二年省金城郡

十三年  
復置

十三年二月

并省西京十三國

廣平真定城陽泗水菑川膠東六安  
廣陽河間注此有九國云十三國誤

也二十年省五原郡百官志世祖并省郡縣四百餘

所後世稍復增之 晉志光武郡國并省者八

城陽淄川高密

膠東六安真定泗水廣陽 一本云郡國志

宋志東

注所省者十國後復河間廣陽郡省八國耳

京無復朔方交趾曰交州凡十二州司隸所部如故

郡縣改異省都尉并太守則建武六年河南改為尹

則十五年州牧復為刺史則十八年湖華陰故屬京兆

今屬弘農長陵陽陵商雒故屬馮翊弘農今屬京兆建

武十五年也陳留山陽三縣屬梁國元和元年也建武

十一年十月西河上郡屬魏二十七年七月代郡魯國

屬幽豫皆改屬者也汝南東平之固始壽張常山會稽  
南陽之高邑章安章陵則世祖之所改臨淮為下邳天  
水為漢陽則永平十五年十七年之所更章帝改楚為  
彭城又改中山之三縣陳留之考城章和二年改淮陽  
為陳元和元年分東平為任城永元七年延光建和二  
年改千乘為樂安樂成清河為安平甘陵陽嘉三年改  
武陵之漢壽皆更名者也省六安屬廬江省廣平真定  
菑川高密膠東屬鉅鹿常山北海則建武十年及十三

年也省河間屬信都至永元三年而復省廣陽屬上谷至永平八年而復以至城陽泗水之屬琅邪廣陵皆并省而分屬者也交趾之封谿望海武陵之沅南置于建武十九年二十六年分益州置永昌郡分泰山置濟北見于永平之十二年永元之二年順帝分會稽置吳郡永元二年八年十六年永和初元之置充國臨汝建昌漢寧永平元年二年八年之復郡郃陽武功建初四年五年永和二年延光元年三年之置輪氏復贛榆杜陽

陽信汶江以至鄆平哀牢博南之置殺耆粟邑淳于昌  
安下密之復厭次林慮臨濟臨雖樂平蒲陰湖陸高平  
漢嘉漢昌之改未易悉數中平五年改刺史新置牧六  
年置漢安郡初平六年分巴郡為二建安十三年房陵  
別屬新城十八年復禹九州二十年復置漢寧上庸郡  
則漢季矣

漢置永昌郡

又見內附類

明紀永平十二年春正月益州徼外夷哀牢王相率內



屬於是置永昌郡罷益州西部都尉注西南夷傳曰罷  
益州西部所領六縣合為永昌郡置哀牢博南二縣去  
洛陽七千里 志永昌郡八城戶二十三萬一千八百  
九十七口百八十九萬七千三百四十四 哀牢夷傳  
始通博南山度蘭倉水行者歌曰漢德廣開不賓度博  
南越蘭津

漢郡邑侯國總入郡縣本末

續志凡郡國百五縣邑道侯國千一百八十一自河南

至扶風郡七而縣邑侯國百六則屬之司隸自潁川至  
魯國郡六而縣邑侯國九十九則屬之豫自魏郡至渤海  
郡九而縣邑侯國百則屬之冀自陳至濟陰郡八縣  
邑侯國八十則屬之兗徐州則自東海至下邳郡五而  
縣邑侯國六十二焉青州則自濟南至齊國郡六而縣  
六十五焉荊州則自南陽至長沙郡七而縣邑侯國百  
十七焉揚州有六郡而縣邑侯國九十二焉益州則郡  
國十二而縣道百一十八涼州則郡國十二而縣道侯

官九十八并州之郡九而縣邑侯國九十八幽州之郡  
國十一而縣邑侯國九十交州之郡七而縣五十六

漢春秋三史地名

續志錄春秋三史會同征伐地名注臣昭案志猶有遺  
闕今衆書所載不可悉記其春秋土地通儒所據而未

備者皆先列焉

山川地名悉為細  
注今進為大字

今以河南一郡考

之如河南謂之王城尸鄉謂之尸氏密謂之新城則攷  
之春秋者也如狄泉唐褚氏東園解乾祭垂隴扈蒯原

圃柴林制瑣清嘗旃然汜京谿泉則攷之左氏者也若  
公羊之成周史記之程注長城垣雍陽武什谷成畢陘  
山愚狐高都前書之曲遇

闕

劉昭

補注於河南郡引左傳者三十八若大野澤觀魚臺丹  
徒之引春秋梁山沙鹿之引公穀不可勝紀所証他書  
若爾雅詩譜說文帝王世紀鄭志越絕古史考皇覽劉  
向別錄古今注及呂氏漢晉魏氏文廣春秋黃圖決錄  
計偕簿汲冢書襄陽耆舊傳西征南都三都賦注以記

名者三齊三秦上黨荊州秦州營陽始安伏滔北征戴  
延之西征潘岳關中劉蒼騶山晉太康元康地道周處  
風土千寶搜神慧遠廬山任豫益州及博物耆舊豫章  
交州巴吳興湘中等書以志名者巴漢南中華陽陳留  
及廣志 河內之修武春秋曰甯潁川之隰陵春秋曰  
隰汝南之城父春秋曰夷陳之苦縣春秋曰相東郡濮  
陽春秋曰濮穀城春秋曰小穀東平之壽張春秋曰良  
山陽之東緡春秋曰緡東海之祝其春秋曰夾谷琅邪

之即丘春秋曰祝丘廣陵之堂邑春秋曰堂良成春秋  
曰良平原之祝阿春秋曰祝柯漢中之錫春秋曰錫穴  
皆見志之本注 春秋正義引釋例土地名世族譜

隋志春秋土地名三卷

晉裴秀客  
京相璠撰

九州郡縣名九卷古

來國名二卷古今地譜二卷 唐志劉伯莊史記地名

二十卷

杜預左傳序別集諸例及地名譜第厯數相

與為部凡四十部十五卷名曰釋例 宋州郡志以班

固馬彪二志太康元康定戶王隱地道晉世起居永初

郡國何徐州郡及地理雜書互相考覆以續漢郡國校  
太康地志參伍異同 本朝楊湜編春秋地譜十二卷  
十三國地皆釋以今州縣名并為圖於後

常氏有此書  
湜增廣焉

漢四履 州域

通典秦制天下為四十郡其地則西臨洮北沙漠東縈  
西帶皆臨大海漢興以秦地太大加置郡國凡為十三  
州部刺史至哀平之際凡新置郡國六十三焉與秦四  
十合百三地東西九千三百二里南北萬三千三百六

十八里此漢之極盛也光武并省郡國十縣道侯國四百餘所其後亦為十三州部漸復加置郡國至于靈獻凡百有五東樂浪西燉煌南日南北鴈門西南永昌四履之盛亦如前漢 叙傳凡漢書分州域物土疆

漢省州并郡 復禹貢九州

平紀元始四年冬更十二州名分界 百官志注獻帝起居注曰建安十八年正月庚寅省州并郡復禹貢九

州 兗豫青徐荆揚冀益雍 九數雖同而禹貢無益有梁然梁益亦一地也

冀州 三十六 郡省司



隸分屬

雍州

二十一郡

荊州

十三郡省交州

益州

十四郡本

豫冀

省涼州

得交州五郡

益州

十四郡本

十二得交

豫州

八郡并河南

徐州

八郡

青州

五郡

州二郡

滎陽都尉

魏十二州

通典魏有州十二司隸豫兗青徐涼秦冀幽并

揚雍

涼分置秦州

魏王觀傳明帝即位下詔書使

郡縣條為劇中平者外劇有任子於役條當有

降差太和六年二月詔改封諸侯王皆以郡

為國

### 三國形勢

胡安國設險論曰魏人都許不恃方城而守襄陽蜀人都益不恃劍門而守漢中吳人都秣陵不恃大江而守荆渚 宋志三國鼎峙吳得揚荆交三州蜀得益州魏氏猶得九馬吳又分交為廣魏末平蜀又分益為梁北史壽春形勝南鄭要嶮乃建鄴之肩髀成都之喉嚨晉殷仲堪曰劍閣之隘蜀之關鍵巴西梓潼宕渠三郡去漢中遼遠在劍閣之內而統屬梁州蓋定鼎中華

慮在後伏自南遷守在岷邛衿帶之形事異曩日是以  
李勢初平割三郡隸益州將欲重複上流為習坎之防  
王羲之曰保淮之志非復所及莫過還保長江都督  
將各復舊鎮自長江以外羈縻而已 孫綽曰中宗龍  
飛實賴萬里長江畫而守之耳

晉十九州 增置郡國

司冀兗豫荆徐揚青幽平并雍秦涼梁交廣及益寧

晉志魏武所置十二

新興至襄陽

所省七

上郡至廬江

文帝置七

朝歌至  
安豐

明及少帝增二

上庸平陽

得漢郡五十四蜀先主置

郡九

巴東至涪陵

後主增二

雲南興古

得漢郡十有一吳大帝置

郡五

臨賀至廬陵南郡

少帝景帝各四

臨川至合浦北郡

歸命侯置十

二

始安至宜都

得漢郡十有八晉武太康元年平孫氏凡增

置郡國二十有三

潁陽至南平通典二十有二

省司隸置司州別立

梁秦寧平四州仍吳之廣州凡十九州郡國一百七十

三

仍吳所置二十五仍蜀十二仍魏二十一仍漢舊九十三置二十三太康三年廢寧州置南夷校尉

隋志太康之後文軌方同編戶二百六十餘萬通

典太康元年平吳分為十九州部置司州治洛陽兗治  
廩丘豫治項冀治房子并治晉陽青治臨淄徐治彭城  
荆初治襄陽後治江陵揚初治壽春後治建業涼治  
武威分三輔為雍治京兆分隴山之西為秦治上邽益  
治成都分巴漢之地為梁治南鄭分雲南為寧治雲南  
幽治涿分遼東為平治昌黎交治昌編分合浦之北為  
廣治番禺 隋經籍志元康三年地記六卷元康六年  
戶口簿記三卷 唐藝文志晉太康土地記十卷太康

州郡名五卷 後漢志注引晉元康地道記

晉二十州 增置郡國

又見上

宋州郡志太康元年天下一統凡十六州後又分涼雍為秦分荆揚為江分益為寧分幽為平而為二十矣

通典平吳分十九州司兗豫冀并青徐荆揚梁雍秦益

涼寧幽平交廣

通鑑從之

又增置郡國二十有二凡郡百五

十有六縣千一百有九 于今升晉紀論世祖掩唐虞之舊域班正朔於八荒

晉義興郡

周圯傳元帝以圯頻興義兵勲誠並茂乃以陽羨及長城之西鄉丹陽之永世別為義興郡以彰其功

晉僑立州郡

通典自東晉成帝時中原流民多南渡遂於江漢淮之間僑立州郡以撫其民今紀其所治經久者大較以宋孝武大明為正凡二十有二州揚治建業南徐治京口徐治彭城南兗治廣陵兗治瑕南豫治厯陽豫治汝南

江治尋陽青治臨淄冀治歷城司治義陽荆治南郡郢  
治江夏湘治臨湘雍治襄陽梁治南鄭秦亦治南鄭益  
治成都寧治建寧廣治南海交治龍編越治臨鄣郡凡  
二百三十有八縣千一百七十有九齊青治朐山冀渦  
口豫壽春北兗淮陰北徐鍾離又置巴東治巴州二十  
有三梁大同中州百有七 宋志江左又分荆為湘或  
離或合凡有揚荆湘江梁益交廣其徐州則有過半豫  
州唯得譙城而已宋分揚為南徐徐為南兗揚州之江



西悉屬豫州分荆為雍分荆湘為郢分荆為司分廣為  
越分青為冀分梁為南北秦太宗初青冀徐兗及豫州  
淮西不守於鍾離置徐州淮陰為北兗而青冀治贛榆  
今志大較以大明八年為正 隋志晉南遷之後南郡  
襄陽皆為重鎮九江襟帶所在江夏竟陵安陸各置名  
州為蕃鎮重寄 隋經籍志元嘉六年地記三卷九州  
郡縣名九卷 本朝李燾著江左方鎮年表十六卷  
元魏分置州郡

太和十年分置州郡凡三十八州

二十五在河南十三在河北通典按舊

史州百十有一郡五百十有九縣千三百五十有二

地形志正光已前戶口之

數倍晉太康 隋志魏諸州記二十一卷

唐志二十卷周處風土記

十卷

通典北齊有州九十七郡百六十縣三百六十五周平齊通計州二百十一郡五百八縣千二十四

### 梁析置州郡

隋地理志梁天監十年有州二十三郡三百五十縣千

二十二其後務恢境宇頗事經畧開拓閩越克復淮浦  
平隄洞破牂柯又以舊州遐闊多有析置大同年中州  
一百七郡縣稱此

通典陳氏有州四十二

地狹  
州多

郡百九縣四百三十八

### 隋郡縣

隋志大凡郡一百九十縣一千二百五十五東西九千  
三百里南北萬四千八百十五里東南皆至於海西至  
且末北至五原隋氏之極盛也 隋開皇三年廢諸郡

大業三年四月壬辰改州為郡 隋州郡縣簿七卷

唐十道 山川形便 州縣定簿 十道山川

貢賦 併省州郡

志唐興高祖改郡為州太守為刺史

會要武德元年六月十九日 通鑑

五月甲子

又置都督府以治之

七年二月十八日戊午

然天下初定權

置州郡頗多太宗元年始命併省

貞觀元年三月十日實錄二月丁巳

通鑑二月命大加併省

又因山川形便分天下為十道一曰關內

二曰河南三曰河東四曰河北五曰山南六曰隴右七

曰淮南八曰江南九曰劔南十曰嶺南至十三年定簿

凡州府三百五十八縣一千五百五十一

通鑑一十一

明年

平高昌又增州二縣六其後北殄突厥頡利西平高昌

北踰陰山西抵大漠其地東極海西至焉耆南盡林州

南境北接薛延陀界東西九千五百一十一里南北一

萬六千九百一十八里 會要凡天下三百六十州自

後併省迄于天寶凡三百三十一州存焉而羈縻之州

八百置十節度經畧使以備邊尹京之府三

京兆河南太原

大

都督府五

潞揚益  
荆幽

都護府六

單于安西安北為大都護  
安南安東北庭為中都護

又有上中下都督府凡天下軍四十府六百三十四鎮

四百五十戍五百九十守捉三十五 通典貞觀初并

省州縣始於山河形便分為十道天寶初又改州為郡

刺史為太守大凡郡府三百二十八縣千五百七十三

羈縻州郡不在其中

通鑑天寶元年是歲天下縣一千  
五百二十八又曰時聲教所被之

州三百  
三十一又云開元中定天下州府自京都及都督都護

府之外以近畿之州為四輔

同華  
岐蒲其餘為六雄 鄭陝汴  
絳懷魏

十望

宋毫滑許汝  
晉洛統衛相

十緊及上中下之差天寶中通計天

下凡上州一百九中州二十九下州一百八十九總三

百二十七州

六典有四輔六雄  
十望州上中下州

唐縣有赤六畿八十二

望七十八緊百十一上四百四十六中二百九十六下

五百五十四六等凡一千五百七十三縣

志五十一  
陸贄云縣邑

有七等之異

六典三都之縣在城內曰京縣城外曰

畿縣又望縣八十五其餘為上中下

李吉甫傳漢初

置郡不過六十今列

舊紀天寶元年天下郡府三百

州三百縣千四百

六十二縣一千五百二十八鄉一萬六千八百二十九

戶部進計帳戶八百五十二萬五千七百六十三口四

千八百九十萬九千八百

通鑑天寶元年正月州三百三十一考異云舊紀三百六

十二地理志開元二十八年州府三百二十八至此才二年不應增三十餘州今從唐厯會要統記

六

典凡天下十道任土所出而為貢賦之差一曰關內古

雍州之境京兆至綏銀凡二十有二州東距河西抵隴

坂南據終南之山北邊沙漠二曰河南古豫兗青徐之

境河南至密海凡二十有八州東盡于海西距函谷南

瀕于淮北薄于河三曰河東古冀州之境太原至蔚雲



凡十有九州東距常山西據河南抵首陽太行北邊匈奴四曰河北古幽冀之境懷衛至營平安東凡二十有五州東並于海南迫于河西距太行北通渝關薊門五曰山南古荆梁之境荆襄至閬果凡三十有三州東接荆楚西抵隴蜀南控大江北據商華之山六曰隴右古雍梁之境秦渭至安西凡二十有一州東接秦州西逾流沙南連蜀及吐蕃北界朔漠七曰淮南古揚州之境揚楚至申光凡一十有四州東臨海西抵漢南據江北

距淮八曰江南古揚州之南境潤常至溱珍凡五十有  
一州東臨海西抵蜀南極嶺北帶江九曰劍南古梁州  
之境益蜀至窩姚凡三十有三州東連梓柯西界吐蕃  
南接羣蠻北通劍閣十曰嶺南古揚州之南境廣循至  
福祿龐凡七十州東南際海西極羣蠻北據五嶺其遠  
夷則關內控北蕃突厥之朝貢河南控海東新羅日本  
之貢獻河北控契丹奚靺鞨室韋隴右控西域胡戎江  
南控五溪之蠻劍南控西河羣蠻嶺南控百越林邑扶

南其羈縻州則關內之原慶靈夏延河北之幽營安東

隴右之秦涼至甘岷江南之黔中劍南之黎戎至嵩姚

嶺南之五府管焉

戶部郎中凡天下之州府三百一十有五而羈縻之州八百志云三百

五十一開元二十八年郎府三百二十八

以山川形便考之關內古雍州

為鶉首鶉火之分其名山太白九峻吳岐梁華其大川

涇渭灊澹河南古豫兗青徐之域為實沈鶉尾壽星大

火降婁玄枵姬訾星紀之分其名山三嶠少室砥柱蒙

嶧嵩高泰岳其大川伊洛汝潁沂泗淮濟河東古冀州

為實沈大梁之分其名山雷首介霍五臺其大川汾沁  
丹潞河北古幽冀二州為姬訾大梁玄枵析木津之分  
其名山林慮白鹿封龍井陘碣石常岳其大川漳淇呼  
沱古荆梁為山南分則鶉火鶉尾鶉首也山則嶓冢熊  
耳銅梁巫荆峴川則巴漢沮洳也古梁雍為隴右分則  
鶉首也山則秦隴鳥鼠以至積石三危川則河洮弱羌  
休屠之澤也古揚州為淮南分則鶉尾也山則瀦天柱  
羅塗八公川則滁淝巢湖也江南古揚州南境星紀鶉

尾則其分衡廬茅蔣以至金華大庾則其山湘贛沅澧  
以至彭蠡太湖則其川劍南古梁州鶉首則其分岷峨  
青城鶴鳴則其山江涪雒漢則其川嶺南古揚州南境  
星紀鶉尾則其分黃嶺靈洲則其山桂鬱則其川也

十道

有圖有  
錄有志

以州縣定簿攷之府則關內河東山南各二河

南劍南各一關內隴右都護各二河北劍南嶺南都護  
各一州則關內二十七河南河北各二十九河東隴右  
各十九山南三十三淮南十三江南五十一劍南三十

八嶺南七十三

共三百四十五并高昌三百六十少十有五

縣則關內百三

十五河南百九十六河東百一十河北百七十四山南

百六十一隴右六十淮南五十三江南二百四十七劍

南百八十九嶺南三百一十四

共一千六百三十九多八十八蓋有損益以

十道貢賦考之關內厥賦絹綿布麻厥貢毛羽革角布

席河南厥賦絹絁綿布厥貢絲布葛席埏埴盎缶河東

厥賦布繡厥貢布席豹尾熊皮鷗羽河北則絲絹綿以

為賦羅綾紬紗鳳翽葦席以為貢山南則絹布綿紬以

為賦金絲紵漆以為貢隴右則布麻以為賦金屑礪石  
鳥獸革角以為貢淮南賦以絕絹綿布貢以絲布紵葛  
江南賦以麻紵貢以金銀紗綾蕉葛綿練鮫革藤紙丹  
砂劍南賦以絹綿葛紵貢以金布絲葛綾羅綿紬黔角  
犛尾嶺南賦以蕉紵落麻貢以金銀乳翠犀象綵藤竹  
布

唐開置州縣 邊州令式 六都護府

見官制

志羈縻州唐興初未暇於四夷自太宗平突厥西北諸

蕃及蠻夷內屬即其部落列置州縣其大者為都督府以其首領為都督刺史皆得世襲雖貢賦版籍多不上

戶部然聲教所暨皆邊州都督都護所領著于令式

六典安東

至職客為邊州

今錄招降開置之目以見其盛突厥回紇党項

吐谷渾隸關內道者為府二十九州九十突厥之別部及奚契丹靺鞨降胡高麗隸河北者為府十四州四十六突厥回紇党項吐谷渾之別部及龜茲于闐焉耆疏勒河西內屬諸胡西域十六國隸隴右者為府五十一



州百九十八羌蠻隸劍南者為州二百六十一蠻隸江南者為州五十一隸嶺南者為州九十二又有党項州二十四不知其隸屬大凡州府八百五十六號為羈縻

云

會要凡羈縻之州八百都護府有六單于安西安北為大都護安南安東北庭為中都護六典大都護有

副有長史司馬漢宣帝始置都護唐永徽中始置安南安西大都護景雲三年置單于都護開元初置北庭都

護

關內道突厥州十九府五回紇州十八府九党項州

五十一府十五吐谷渾州二

都護有單于安北都督有夏州靈州慶州延州領之

河北道突厥州二奚州九府一契丹州十七府一靺鞨

州三府三降胡州一高麗降戶州十四府九

都護有安東都督有

幽營州領之

隴右道突厥州三府二十七回紇州三府一党

項州七十三府一縣一吐谷渾州一四鎮都督府州三

十四河西內屬諸胡州十二府二西域府十六州七十

二分隸于北庭燕然安西都護  
涼州秦臨松州都督及洮州

劍南道諸羌州百六十

八諸蠻州九十二

分隸于松茂萬雅  
黎戎姚瀘州都督

江南道諸蠻州五

十一

隸黔州都督

嶺南道諸蠻州九十二蜀蠻蠻州十八

隸安

南都護桂邕  
峯州都督

武德元年臨塗內附而置塗州開南中

而置南寧昆協曲州二年以內稽部置遼州三年以牂  
柯地置牂充州四年置姚髻尹曾矩七年置南龍西豫  
貞觀元年置西仁峒州而龜林軌州党項叢洪南壽應  
州置於二年三年定襄雲中都督嶂浮祐順西唐州置  
於四年以拓拔部置西戎儒州及雅賊炎向麟閣肆直  
之置則五年也以徼外羌置西冉州及西滄之置則六  
年也疏勒置於九年焉耆置於十八年呼延龜茲置於  
二十年而堅昆之府燭龍之州及松漠毗沙歸順饒樂

臯蘭皆二十二年所置也定襄四州桑乾四州及新黎  
瑤池皆二十三年所置也以至征高麗而置蓋遼巖三  
州分骨利幹部而置元闕州分回紇部而置十八州九  
府他如永徽之置渾河狼山金滿顯慶之置雙河陰山  
拱州龍朔之置桑乾府吐火羅道儀鳳二年之置納晏  
鞏奉浙州則由山洞之開咸亨三年之置總敦殷州則  
由昆明之內屬及開元貞元之間廢置分合不可偏舉

羈縻諸州皆傍塞外或寓名於夷落  
天寶後王官之戍北不踰河西止秦邠

州領于府如定

襄之四雲中之五桑乾之四呼延之三達渾之五是也  
縣領于州如嵯州之一祐淳州之二諾州之三蓋州之  
四是也

唐太宗併省州郡

志天下初定權置州郡頗多太宗元年始命併省

實錄  
一月

丁巳通鑑二月  
會要三月十日

今攷之志會要關內則泉稷林彭麟

州廢于元年南夏

會要  
五年

北吉魏羅正西和北連州廢于

二年

會要又  
廢利州

北仁廢于三年會州廢于六年八年則廢

西韓北永北基上州九年十一年則廢環豐州十三年

廢迴柘長化十七年

六月十七日

廢宜州河南則熊邵汝芮

管道沈息舒消杞邳連譚東泰廢于元年莒鄆廢于二

年

志莒八年  
鄆元年

嵩鼎仁東梁魯廢于三年八年九年戴北

譙廢于十七年六月河東則元年廢昌邵中介蓋西德

北溫二年三年廢東和西定北和九年十七年廢受虞

呂韓河北則元年廢毛殷莘元廉蠡景澶磁滿東鹽六

年

十二月九日

廢棣州十七年六月廢黎井深觀山南則元

年省均重純直郢湖沙萬西康南井八年省東松郡浙

二年九年十年

六月七日  
志十七年

省西平北澧靜州十二年十

七年省覆温州隴右則八年省旦州十年十一年省米

烏州淮南則元年省方義霍谷州江南則豐池夷南雲

東嘉併于元年道州併于十七年牢州併于十八年郎

州併于十七年復置于十三年劍南則犍維併于元年

二年復

維州蒙賢霸併于二年八年十三年嶺南則威齊至

前真十三州併于元年玉山至後真五州併于二年十

年南康荔晏之省十一十二年也潯岡至南建鶯九州

之廢十三十六十八年也李吉甫傳元和六年吉甫

奏今列州三百縣千四百

通典一千五百七十二縣

願詔有司博議

州縣有可併併之六典三都城內曰京縣

奉先同京城通典

曰赤縣

外曰畿縣又望縣八十五

通典七十八

餘為上中下縣

### 唐諸州名

志武德元年

六月十九日

更諸郡為州天寶二載以州為郡

紀元年二月丙申會要元年正月二十日

乾元元年復以郡為州

紀至德二載十二月



戊午復諸州及官名 考異云頌下  
四方已涉明年故皆云乾元元年

凡州郡縣無所更

置者皆仍隋舊凡乾元後所置州皆無郡名及其季世  
所置州縣又不列上中下之第 武德更州名若汾夔  
棘樂嵐岳白繡楚貞觀更州名若韶驩伊辯邵汝亳慈  
媯忠萬道茂潘竇柳澄邕橫蒙雷容廉富昭康播龍朔  
乾封總章上元之際則更冀宜鬱林禺陸先天開元寶  
應永貞大厯之際則更儀閬劔邠莫褒福蔡蠻充處天  
寶元年更郡名則關內七河南七河東四河北九山南

十一隴右淮南皆三江南嶺南皆九劔南十嶺南五管

廣桂邕  
容安南

皆隸嶺南節度使咸通三年五月分兩道節度

廣為東  
邕為西

會要崔涖議曰則天分割雍州為四益州為

三減削其權不使專統

大中元年正月勅古者郎官  
出為邑宰公卿外領郡符

唐二十四府都督 按察使

百官志武德初邊要之地置總管以總軍

六月  
七日加號使

持節蓋漢刺史之任有行臺有大行臺其員有尚書令

一人掌管內兵民總判省事僕射貳之左右丞以下諸

司郎中畧如京師七年

二月十二日

改總管曰都督總十州

者曰大都督貞觀二年去大字凡都督府有刺史以下

如故然大都督又兼刺史而不檢校州事其後都督加

使持節則為將諸將亦通以都督稱

會要開元元年著令戶滿二萬以上

為中都督不滿者為下都督府

景雲二年六月二十八日制於天下分

置都督府二十四察刺史以下善惡置司舉從事二人

秩比侍御史揚益荆并四州為大都督汴兗魏冀蒲綿

秦洪潤越十州為中都督皆正三品齊鄆涇襄安潭遂

通梁夔十州為下都督府從三品其年七月詔置都督  
議者以為權重難制罷之惟四大都督府如故置十道  
按察使道各一人開元二年曰十道按察採訪處置使  
至四年罷八年復置十道按察使秋冬巡視州縣十年  
又罷十七年復置十道京都兩畿按察使二十年曰採  
訪處置使分十五道天寶末又兼黜陟使乾元元年改  
曰觀察處置使 通鑑開元十五年五月癸酉上悉以  
諸子慶王潭等領州牧刺史都督節度大使大都護經

畧使實不出外十七年五月壬辰復置十道及京都兩畿按察使

唐十五道

志景雲二年

六月  
壬午

分天下郡縣置二十四都督府以統

之既而以權重罷之

會要景雲二年五月分山南為東西兩道又自黃河已西分河西道

開元二十一年又因十道分山南江南為東西道增置黔中道及京畿都畿置十五採訪使檢察如漢刺史之職關內道蓋古雍州之域為府二都護府二州二十七

縣百三十五京畿採訪使治京城內

京北至郟州

關內採訪

使以京官領

隴州至鎮北

河南道蓋古豫兗青徐之域為府

一州二十九縣百九十六都畿採訪使治東都城內

東都

至汝州

河南採訪使治汴州

陝州至密州

河東道蓋古冀州之

域為府二州十九縣百一十採訪使治蒲州

河中至澤州

河

北道蓋古幽冀二州之域為州二十九都護府一縣百

七十四採訪使治魏州

孟州至安東

山南道蓋古梁荆二州

之域為府二州三十三縣百六十一東道採訪使治襄

州

江陵至  
金州

西道採訪使治梁州

興元至  
梁州

隴右道蓋古雍

梁二州之境為州十九都護府二縣六十採訪使治鄯

州

秦州至  
安西

淮南道蓋古揚州之域為州十二縣五十三

採訪使治揚州

揚州至  
申州

江南道蓋古揚州南境為州五

十一縣二百四十七東道採訪使治蘇州

潤州至  
漳州

西道

採訪使治洪州

宣州至  
邵州

黔中採訪使治黔州

黔州至  
漆州

劍

南道蓋古梁州之域為府一都護府一州三十八縣百

八十九採訪使治益州

成都至  
瀘州

嶺南道古揚州南境為

州七十有三都護府一縣三百一十四採訪使治廣州

廣州至  
武安

通典開元二十一年

通鑑同

分為十五道置採訪使

訪使以檢察非法京畿

治西京城內

關內

多京官遠領

都畿

治東都城

內河南

治陳留郡

河東

治河東郡

河北

治魏郡

隴右

治西平郡

山南東

治襄陽

陽郡

山南西

治漢中郡

劔南

治蜀郡

淮南

治廣陵郡

江南東

治吳郡

江南

西

治章郡

黔中

治黔中郡

嶺南

治南海郡

又於邊境置節度經畧使

式遏四夷

節度使十經畧守捉使三

大凡鎮兵四十九萬人戎馬八

萬餘疋 會要開元二十二年二月十九日

辛亥

初置十



五道採訪處置使以盧絢等為之

張九齡奏置李尚隱傳二十二年置京

畿用中丞盧奐大夫不充使永泰後大夫王翊崔渙等乃為之通鑑乾元元年五月壬午停採訪使改黜陟

使為觀察

武德令三萬戶已上為上州永徽令二萬戶以

上為上州顯慶元年九月十二日勅戶三萬以上為上

州二萬以上為中州開元十八年三月七日勅戶四萬

以上為上州二萬五千戶為中州不滿二萬為下州緣

邊州三萬戶以上為上二萬戶以上為中其親王任中

下州刺史亦為上州去任仍舊凡天下三百六十州自

後併省迄于天寶凡三百三十一州存焉而羈縻之州

八百尹京之府有三

京兆河南太原

大都督府有五

潞揚益荆幽

都

護府有六

單于安西安北為大安南安東北庭為中

又有上中下都督府凡

天下軍有四十府有六百三十四鎮有四百五十戍有

五百九十守捉有三十五

會要

理道要訣唐郡府三百

二十八縣千五百七十三折衝府五百九十三鎮二百

四戍三百九十三寺五千一百八十五驛千三百八十

八觀千八百五關二十七

通典同

通鑑開元二年閏二

月丁卯復置十道按察使以益州長史陸象先等為之  
四年閏十二月辛丑罷

晉傅咸上言曰舊都督有四今并監軍乃盈於十夏禹  
數土分為九州今之刺史幾向一倍戶口比漢十分之  
一而置郡縣更多空校牙門無益宿衛而虛立軍府動  
有百數五等諸侯復坐置官屬以為當今之急先并官  
省事靜事息役

唐依漢法於四邊立都護府以鎮重邊陲招懷憬俗開

元時安東都護府在營州東界至洛陽二千九百里安  
南都護府在交趾至洛陽七千二百里安西都護府在  
龜茲至洛陽八千三百里安北都護府在中受降城至  
洛陽二千二百里

制音  
兵法

### 唐嶺南五府

六典廣循至瓊振

廣府  
管內

桂昭至古嚴

桂府

容藤至平琴

容府

邕賓至環澄

邕府

安南驩愛至福祿龐

安南  
管內

凡七十州其

五府又管羈縻州

通典嶺南五府經畧使理南海郡

統經畧軍

南海

清海軍

恩平

桂管容管鎮南

安南

邕管經畧使

通鑑云統桂容邕

交四管治廣州

唐十節度經畧使

又見兵制

通典節度使十鎮西

治安西

北庭

都護府

河西

武威

朔方

靈武

河

東

太原

范陽

范陽

平盧

柳城

隴右

西平

劍南

蜀郡

嶺南

南海

五府經畧

使又有經畧守捉使三以防海寇

長樂郡經畧使東萊東牟郡守捉

通鑑天寶元年正月壬子分平盧別為節度是時天下

聲教所被之州三百三十一羈縻之州八百置十節度

經畧使以備邊安西節度撫寧西域治龜茲城兵二萬  
四千北庭節度防制突騎施堅昆治北庭都護府兵二  
萬人河西節度斷隔吐蕃突厥治涼州兵七萬三千人  
朔方節度捍禦突厥治靈州兵六萬四千七百人河東  
節度與朔方犄角以禦突厥治太原府兵五萬五千人  
范陽節度臨制奚契丹治幽州兵九萬一千四百人平  
盧節度鎮撫室韋靺鞨治營州兵三萬七千五百人隴  
右節度備禦吐蕃治鄯州兵七萬五千人劍南節度西

抗吐蕃南撫蠻獠治益州兵三萬九百人嶺南五府經  
畧綏靜夷獠治廣州兵萬五千四百人此外又有長樂  
經畧福州領之兵千五百人東萊守捉萊州領之東牟  
守捉登州領之兵各千人九鎮兵四十九萬人馬八萬  
餘匹開元之前每歲供邊兵衣糧費不過二百萬天寶  
之後邊將奏益兵浸多每歲用衣千二十萬匹糧百九

十萬斛

四載二月己酉以朔方王忠嗣兼河東自朔方至雲中邊陲數千里要害之地悉列置城堡斥

地各數  
百里

唐開元戶部帳

志開元天寶之際東至安東西至安西南至日南北至  
單于府蓋南北如漢之盛東不及而西過之開元二十  
八年戶部帳凡郡府三百二十有八縣一千五百七十  
三戶八百四十一萬二千八百七十一口四千八百一  
十四萬三千六百九應受田一千四百四十萬三千八  
百六十二頃通典同六典開元二十二年數天下之戶  
八百一萬八千七百一十口四千六百二十八萬五千



一百六十一

唐來威國

舊紀天寶三載十月丁未改史國為來威國

開寶并省嶺南州縣

開寶五年四月上按嶺南圖籍州縣多而戶口少命知廣州潘美轉運使王明度其地里并省以便民甲午初廢白州及常樂州五月乙丑廢澄賓等十三州又廢縣四十九十一月甲戌又廢春勤二州及七縣又廢南義

州 開寶二年十月契丹藏才千酋長王甲帥衆來降

置豐州以處之

自是世襲

三年七月丙辰減州縣官員數

太祖禦戎不勤遠畧夏州李彝興河西折御勲朔方馮  
繼業許以世襲邊圉無事 帝臨下民集大命于藝祖  
厥既百神受職六服軌道迺惟李唐叔季彊藩畔援五  
代八姓民生如燬圖所以久長治之策肆發宸指名諸  
鎮以還邸遣廷紳以牧民

開寶較州縣數

開寶九年十二月史官較州縣數元有州百十一縣  
六百三十八戶九十六萬七千三百五十三至是州二  
百九十七縣千八十六戶二百五十萬八千九百六十  
建隆元年五月詔天下縣除赤畿次赤次畿外重升降  
地望四千戶以上為望三千戶以上為緊二千戶以上  
為中不滿千戶為中下五百戶以下為下每三年一次  
升降乾德二年七月己丑詔階成二州並直隸京師太  
平興國二年八月戊辰罷節鎮領支郡之制從右拾遺

李漸之言也七年五月辛亥以涇州直屬京 太祖平

湖南始令潭州等屬京其後大縣亦有直屬者興元之

三泉是也太宗即位之初命高保寅守懷得自奏事

懷州

故隸河陽

至是邠寧涇原等州並屬京節鎮無領支郡者矣

建隆元年七月己未始以知州易方鎮十一月乙丑始

以朝臣監諸州稅乾德元年四月乙酉州置通判

始命賈玘

等通判湖南諸州

六月庚戌始命常參官知縣

淳化十道 至道十五路

租稅

淳化四年十月分十道五年十月罷

見三司使

國初罷節

鎮統支郡以轉運使領諸路事其合別未有定制至道

三年始定為十五路

京東京西河北河東陝西淮南江南湖南湖北兩浙福建西川陝西

路廣東廣西咸平三年三月戊辰荆湖南北路始置兩使

凡租稅有穀帛金鐵物產

四類穀之品七布帛絲綿之品十金鐵之品四物產之

品六至道末歲收穀二千一百七十一萬七千餘石錢

四百六十五萬餘緡絹一百六十二萬餘疋紬絕二十

七萬三千餘疋絲綿六百五十餘萬兩云後又增三路

為十八路

國初西川路開寶六年始分陝西路咸平四年分川峽為四路益梓利夔天聖八年分江

南為東西路 皇祐三年正月二十四日分淮南為東西揚廬熙寧五年八月二十四日分京西為南北十二

月十三日分陝西為二永興秦鳳六年七月二十七日分河北為東西

熙寧五年十月

以熙河洮岷通遠軍為熙河路

王韶取洮河王膽夷青唐王厚復湟鄯並建熙

河一道十一月陝西分六路各置經畧司

永興鄜延環慶涇原秦鳳熙河

政和中初置珍思承秦播五郡宣和末廢其四紹興

二年欲省珍州後不果廢十四年九月丁酉分利州為

東西兩路 司馬光曰上下一千七百餘年天下一統

者五百餘年而已 大觀元年十二月癸巳詔東南  
久安兵勢寡弱人輕易搖當謹不虞之戒可以揚  
江寧杭越洪荆南潭福及廣桂為帥府真江潤明  
虔靖邵泉封邕為望郡帥府仍兼總管用侍從官  
望郡以郎官以上為之又詔帥府屯兵二千望郡  
一千

慶厯省縣邑

慶厯四年五月己丑省河南府潁陽壽安偃師維氏河

清五縣為鎮又析王屋縣隸孟州省孟州汜水縣為行  
慶關隸河南時參政仲淹以天下縣邑多役衆民貧故  
首自河南府省之未幾悉復

### 熙寧省州縣

熙寧中省併天下州縣迄八年凡廢州軍監三十一

儀渭

至宣化

廢縣一百二十七

晉之趙城至涇之延陵

九域志載省廢

州軍京東軍一

廣齊

京西軍一

光化

河北軍二

通利承天

陝西州

三

乾儀

河東州二

沁慈

軍二

平晉府樂

淮南軍二

天長漣水

兩浙軍



二

順化江陰

荊湖州一

復

軍二

漢陽荊門

利州路州二

集

軍一

大安

廣南路州二十五

富至崖

軍一

太平

### 建炎十九路

建炎元年六月己卯宰臣李綱請以河北地建為藩鎮是以兵力援之而於沿河沿淮沿江置帥府要郡次要郡以備控扼沿河帥府十一沿淮帥府二沿江帥府六大率自川陝廣南外總分為十九路每路文臣為安撫使馬步軍都總管總一路兵政許便宜行事武臣副之

要郡以文臣知州領兵馬鈐轄次要郡以文臣知州領兵馬都監許參軍事皆以武臣為副沿河帥府八軍要郡六軍次要郡三軍非要郡二軍沿淮帥府五軍要郡三軍次要郡二軍非要郡一軍沿江帥府五軍要郡三軍次要郡二軍非要郡半軍軍二千五百人自帥府外要郡三十九次要郡三十八總為兵九十六萬七千五百人非要郡不預又別置水軍帥府兩將要郡一將從之先遣楊觀復往江淮造舟丙戌詔京東西河北東路

永興軍江淮荆湖等路皆置帥府要郡屯兵有差

初綱欲因

帥府以寓方鎮之法

四年五月京畿東西湖北淮南分為鎮置鎮

撫使沿江分三路置安撫大使

鄂江池州置司  
揚浙西置司鎮江

又

建炎元年五月辛卯趙子崧建三屯之議陝西河東北之兵合六萬人一屯澶淵一屯河中陝華一屯青鄆壬辰胡舜陟言以三京關陝析為四鎮拱滑潁昌隸東京鄭汝河陽隸西京恩濮開德隸北京同華陝府隸京北擇人為節帥詔付三省議格

# 大江七渡

紹興二年八月辛丑司諫吳表臣言大江之南上自荆  
鄂下至常潤不過十郡之間其要不過七渡上流最急  
者三荆南之公安石首岳之北津中流最緊者二鄂之  
武昌太平之采石下流最緊者二建康之宣化鎮江之  
瓜洲此七渡當擇官兵修器械其餘數十處或道路迂  
曲水陸不便非大軍往來徑捷之處畧為之防足矣詔  
以付沿江守帥甲辰給事中程瑀言三國東晉雖各保

長江實宿重兵於淮南 紹興二年九月乙丑初命沿  
江岸置烽火臺以為斥堠自當塗之褐山東采石慈湖  
繁昌三山至建康之馬家渡大城堙池州之鵲頭山凡  
八所旦舉煙暮舉火各一以為信有警即三之用李綱  
請也五年李綱言淮南荆襄東南屏蔽六朝能保守江  
左以強兵巨鎮盡在淮南荆襄間今當於淮南東西及  
荆襄置三大帥屯重兵以臨之以揚廬襄陽為帥府分  
遣偏師進守支郡小築城壘如開新邊淮東以江東路

財用淮西以江西荆襄以湖北財用給之徐議營田使  
自贍養假以歲月藩籬成矣近年以來大將握重兵於  
江南將吏守空城於江北雖有天險初無戰艦水軍之  
制故敵人侵伺淮南有藩籬形勢之固然後建康可都  
四年知建康呂祉上東南防守利便三卷 胡安國曰  
欲固上流必先保漢沔欲固下流必先守淮沔欲固中  
流必以重兵鎮安陸 魏武困於居巢曹丕困於濡須  
拓跋困於瓜洲苻堅困於淝水皆不得渡 左傳昭十

七年楚司馬子魚曰我得上流注順江而下易用勝敵  
吳志魏文帝出廣陵望大江曰彼有人焉未可  
圖也

宋朝郡國名

景祐三年正月翰學承旨章得象等評定三等國名

以今

司封格  
參訂

趙

晉

梁

宋

壽

昇

韓

襄

慶

蜀

寧

光

均

端

嘉

穎

康

恭

定

建

英

延

以上不封

秦

秦川

齊

臨菑  
營立

魏

大名

燕

薊城

楚

彭城

魯

曲阜  
以上舊大以

陳

宛丘

吳

姑蘇

越

會稽  
以上於

舊次  
今升

夏

朔方

商

上洛  
商於

周

維陽

漢

廣漢

唐

唐城  
今添  
陽

徐

徐方  
徐土

冀

冀方  
信都

雍

西河

揚

廣陵  
淮海

益

華陽

鎮

真定

鄧

南陽

邠

幽土  
新平



兗

濟河

荊

荊南

鄆

東平

涼

武威

潭

長沙

豫

荊河  
汝南

以上大國

衛

洪水

鄭

滎陽  
原武

蔡

上蔡  
汝南

曹

濟陰

許

許田  
許昌

代

鴈門

瀛

河間

岐

岐陽

隨

漢東

邢

襄國  
鹿

以上

舊次

涇

涇水

廣

南海  
番禺

福

閩山  
長樂

華

華陰

宿

符離

密

高密  
密須

潞

上黨  
潞氏

蘇

姑蘇

相

安陽

嫫

東陽

以上次國

江

尋陽

滕

公丘

向

向城

黃

黃岡  
齊安

紀

東莞

譙 熱城

原 原田

弦

祁 蒲陰

郛 檜城

耿

舒 龍舒

介 膠西

道 春陵

鄴 始平  
豐水

蔣 期思

蕭 蕭邑

郕 成陽  
郕鄉

譚 平陵

霍 霍邑

夔 夔門

萊 東萊

郇 又作荀  
拘邑

郛 開陽

郟 東海

芮 芮城

薛

郛 郛城

莒 城陽

鄆

羅 羅水

郛 郛城

郛

戴 考城

桐 桐城

遂 遂寧

管 京縣  
管城

沈 平輿

虞 大陽

應 城父  
應鄉

息 新息

任 任城

崇 崇城

榮 榮南

扈

濮

濮陽

巢

觀

以上舊小國

安

安陸

申

義陽中土

號

弘農

號城

以上舊次今小

邾

邾邑

杞

雍丘

賈

鄆

鄆土

邳

巴

巴川

夷

穀

穀城

頓

麋

黎

漢源

葛

蓼

項

聃

茅

茅鄉

胙

胙城胙亭

庸

單

滑

靈河

郛

商密郛縣

牟

東牟

權

權城

甘

張掖

祭

尹

尹氏

溫

河內

毛

樊

樊城

成

同谷

單

劉

劉亭

鞏

邵

台南

邨

廊

韋

韋城  
承韋

鬲

有鬲

甯

杜

杜陵

呂

甫侯

皖

皖城  
春秋國名

以上

留

邵

有邵

鄆

危城

郢

郢城

焦

宛

宛城

鄧

鄧城

穰

葉

方城

郢

石城

鄆

鄆陵  
宜城

緡

劇

費

武城

繒

部

隴

汧陽

范

程

安陵  
程邑

鄱

番陽

郇

善陸

潘

涪

涪陵

遼

遼陽  
樂平

羸

絳

絳水

汲

汲城

梧

蒼梧

軹

營

柳城

翕

秣

蘭

易

上谷

鄆

高邑

洮

洮陽

昌

昌元

翟

陸

溜

溜川

卞

一作汴

綸

以上秦漢以來公侯

盧

翼

臨翼冀城

鄒

鄒邑

房

房陵

褒

沛

沛邑

邳

下邳

彭

濰陽大彭

竇

鄂

武昌鄂渚

鄴

鄴城

薊

汧

汧陽

沔

沔陽

沂

琅邪

肅

酒泉

岷

和政

鄆

小鄆

鄆

莘

有莘

順

順義

渝

渝水

耶

蒲

河東

鄆

紀邑安平

豐

九原 以上周  
唐以來封公

棣

樂安

儀

樂平

懷

河內

永

零陵

盛

濟

濟陽

信

廣信

義

睦

嚴陵  
新定

丹

咸寧  
宜川

恩

簡

簡池  
陽安

忻

定襄

韶

曲江  
韶石

循

海豐

愿

雅

廬山

通

通川

虔

贛川

資

資中

昭

平樂

欽

寧越

珍

珍川  
樂源

澈

南溪

集

和

歷陽

衡

衡陽

會

撫

臨川

岳

巴陵  
岳陽

袁

宜春

桂

桂林

蘄

蘄水

澧

澧浦

深

饒陽

洋

洋川

鄜

洛交

瓊

瓊山

茂

漢山  
通化

衢

信安  
姑蔑

澶

澶洲

德

平原

吉

廬陵

景

景城

郴

桂陽  
郴山

博

博平

賀

臨賀

惠

惠陽  
上唐及五

代王

封

潤

丹陽  
本朝封王

秀

嘉禾  
以上小國

秀水

邠

邠城

郃

洽陽  
郃陽

潛

滿山

廬

合肥

澤

晉城  
高平

以

上小國

見司  
封格

郡名

紹興司封格防禦州自琅邪以下凡三十五軍事州

自淄至滌凡百有七

壽春

淮陽

延安

遂寧

京兆

黃平

普安

平陽

鉅鹿

已上不封

河南

西京  
雒邑

洛陽

河內

懷水  
懷水

河池

鳳泉

西河

介休

汾水

清河

恩貝  
甘陵

睢陽

南京  
宋城

商丘

濟陽

濟野

饒陽

鹿城

汧陽

隴源

隴東

歷陽

和利

濮陽

濮城

淦陽

磁水

山陽

楚淮陰

東楚

池陽

池秋浦

鄱陽

饒江

桂陽

郴江

衡陽

衡蒸湘

衡山

澧陽

澧浦

潯陽

潭陽

沅陵

濠陽

彭彭門

德陽

漢廣

綿竹

永陽

滁陽



資陽

資

資川

資中

潮陽

揭陽

真陽

英德

邵陽

寶慶

陽安

簡池

東牟

文登

東萊

膠水

萊陽

東海

海

巴東

歸

建平

秭歸

南充

果山

宕渠

南溪

敘道

南賓

忠南

南浦

萬川

隴西

渭源

襄武

巴西

左綿

平原

德安

平涼

彭陽

平樂

昭

高平

澤

恩平

南恩

廣平

治水

博平

聊城

樂平

遼陽

遼山

西平

西寧

湟水

江華

道

江油

龍門

涪關

清江

夜郎

潯江

潯水

海豐

循陽

龍川

海康

雷陽

海陵

泰陽

臨海

天台

赤城

淮安

唐

泗陽

方城

泌水

唐城

臨淮

泗下邳

安化

順化

慶陽

安鄉

河

安昌

抱罕

安岳

普康

安城

南賓

齊安

黃岡

邾城

新安

紫陽

歙水

信安

太末

姑蔑

咸安

蓮池

樂安

廉次

文安

莫任丘

寧浦

橫浦

寧越

欽水

咸寧

丹陽

汾川

義

川

大寧

隰川

會寧

會

巴川

石照

銅梁

通川

達實城

維川

威維城

冉駝

淄川

淄水

臨川

撫

廬陵

吉水

螺川

零陵

永活溪

景陵

復沔陽

毗陵

常

延陵

夷陵

峽西陵

峽山

涪陵

涪江

陵水

化羅川

昌元

永昌

昌化

石離石

盛山

開江

連山

連陽山

盧山

雅嚴道

隣山

渠隣水

流江

同谷

成西康

富水

鄂石城

上洛

商洛

洛南

上饒

信廣信

臨汀

汀平沙

長汀

臨賀

賀江

臨封

封川

臨邛

邛峽

和義

榮南

榮德

通義

峨眉

眉山

感義

藤鐔江

和政

西和岷山

順政

興沔水

新興

新

始興

韶曲江

漳浦

漳臨漳

劍浦

南劍延平

合浦

廉江

盧溪

辰辰

彭原

寧興寧

漢源

黎沈黎

作都

樂源

珍

通化

茂汶山

汶川

清化

巴江

巴固

龍城

柳江

金城

車蘭

允吾

永嘉

溫東嘉

東甌

斬春

斬水

宜春

袁宜陽

袁山

魏

北大名

汲

衛淇水

號

弘農

號

畧

絳

絳新田

曲沃

鴈門

代郡

蒲陰

祁鼓城

鍾離

濠水

濠

梁

定襄

忻秀容

武都

階武川

福津

緡雲

處括蒼

蒼梧

梧

懷澤

貴義山

高涼

高

鬱林

州同

樓煩

嵐合河

仁壽

隆陵陽

浙西路府四

臨安

平江

州三

常嚴

軍一

江陰

浙東路府二

紹興

元州五

婺溫

衛處台

江東路府二

建康

州五

池徽

軍二

廣德 江西路府一

隆興州六

江撫瑞

軍四

興國建昌

淮東

路州七

揚真泰滁通  
淮安寶應

軍二

招信  
高郵

淮西路府一

安慶

州六

和濠

軍二

無為  
安豐

湖南路府一

寶慶

州六

潭衡柳

軍二

湖北路府三

江陵常  
德德安

州九

鄂岳澧歸峽  
辰沅靖復

軍四

信陽壽昌  
漢陽荆門

福建路府一

建寧

州五

福州  
泉州汀

軍二

邵武

京西路府一

州四

隆房  
均鄧

軍二

棗陽  
光化

廣東路府三

肇慶德

州十一

廣潮  
韶連

惠南雄新封  
梅循南恩

廣西路府一

江靜

州二十一

客賀邑鬱林象  
康梧藤融柳宜

昭潯賓賓橫  
化高雷欽瓊

軍三

萬安朱  
崖昌化

成都路府三

成都崇

州十一

眉漢印隸彭黎  
雅簡隆威茂

軍二

永康石泉

潼川路府四

潼川遂寧順慶紹熙

州七

瀘資普昌  
叙合渠

軍三

懷安廣安長寧

監一

富順

利州路府三

興元隆慶同慶

州

十二

利金洋沔閬階龍鳳文達巴西和

軍二

天水大安

夔路府二

紹慶重慶

州九

夔達施思忠  
開珍萬涪

軍三

雲安南平梁山

監一

大寧

寶祐五年築荆山

為懷遠軍

淮西

六年築黃平為鎮遠州

湖北

景定三年漣水軍

陞安東州咸淳七年城五河為安淮軍

理道要訣云顓頊制九州堯遭洪水天下分絕使禹平

水土還歸九州舜攝帝位分為十二州夏殷周皆為九

州兩漢皆為十三州魏十二州蜀二州吳四州晉十九  
州宋二十二州齊二十三州梁百七州陳四十二州後  
魏百十一州北齊九十七州後周二百十州隋置司隸  
刺史分部巡察

不詳  
州名

唐十五部

諸道則前  
代州制也



玉海卷十八